

ЛУКА ЧИИГЕН СҮҮНЧИЛУ ЈАР

ЕВАНГЕЛИЕ

1:1 Бисте болгон керектерди көп улус куучын эдип чийерге ченешкен. 2 Бу керектерди туку бажынан ала бойы көргөн, Сөскө иштеп жүрген улус биске база айдып берген эди. 3 Онын учун, күндүлү Феофил, ончозын учы-бажынан ала быжулап шинжүлейле, мен де сеге бир аай тизип, чийип берейин деп шүүдим. 4 Сеге үредип айткан сөстөр чындык болгонын сени билзин деп турум.

Крестеечи Иоаннык туулатаны керегинде табыш

5 Иудейлердин кааны Ирод тужында Захария деп абыс жүр-таган. Захария абыстардын бөлүгинен болгон, бу бөлүк омор-дын ада-өбөкөзи Авиянын адыла адалган. Ондо база Аарон укту абакай болгон; ады-жолы Елисавета. 6 Омор экилези Кудай алдында акту болгондор, Бийдин ончо салымдарын бүдүрип, жандаткан жанын тудуп, буспай тургандар. 7 Же омордо бала-барка жок болгон: Елисавета бала таппас болуп бүткен; экилези жамай да берген улус. 8 Бир күн Захариянын абыстап жүретен өйи једип, Кудай алдында мүргү эдип турган. 9 Ого Бийдин Öргөозине кирип, фимиам өртөөр үлү келишкен. 10 Фимиам өртөөр тужында тыштында көп улус мүргүп турган. 11 Кенетийин ого Бийдин ангели көрүнди; ол фимиам өртөгөн тагылдын он јанында турган. 12 Захария оны көрөлө жүрексиреп, коркый берди. 13 Же ангел Захарияга айтты: - Коркуба, Захария: мүргүгенин угулды. Абакайын Ели-савета сеге уул бала таап берер, оны Иоанн деп адаарын. 14 Уулын сеге сүүнчи ле кежик болор, онын туулганына көп улус сүүнер; 15 Бий алдында ол улу болор, аракы ла эзиртер суузын ичпес, Агару Тынды энезинин ичинде алынар; 16 Израиль уулдарынын көбизин Бийге, омордын Кудайына, бурултар; 17 Бийдин ичкери алдынан Илиядый тын-сагышту ла күчтү барар; адалар жүрегин балдарына јандырайын

деп, багынбастарды чындыктын жолына кийдирейин деп, онызыла Бий келерине ка-лыкты белетейин деп. 18 - Мынын чынын канайып билетем? - деп, Захария ангелден сурады. - Мен карып калдым, абакайым да жажай берген кижги. 19 Ангел каруузын жандырды: - Мен Кудай алдында турган Гавриил; сениле эрмектежерге, бу сүүнчилү жарды сеге жетирерге ийилгем. 20 Сеге бу айтканым өйи једип, бүтпей калбас. Је сен сөзиме бүтпедин, онын учун тилин тартылып калар, мынын чыны чыгар күн келгенче, унчукпай жүрерин. 21 Ол өйдө улус Захарияны сакып, Öргөөдө бу не саадады болбогой деп, кайкажып турды. 22 Захария чыгып келди, је эрмектенип болбоды; Öргөөдө ого көрүлте болгон деп, билип ийдилер. Захария улуска колыла имдеп, тил јок бойы артканча болды. 23 Абыстап жүрген күндери түгенерде, ол јанып келди. 24 Јаан удабай абакайы Елисавета барланып, беш ай јажынып, айдынып жүрген: 25 «Улус аразында мен керегинде жүрген јаман эрмек-куучындарды токтодып, бу күндерде Бий меге мыны этти».

Иисустын туулатаны керегинде табыш

26 Елисаветанын барлу болгоны алтынчы айга барадарда, Кудай Бойынын Гавриил ангелин Галилейдеги Назарет калага 27 Давид калдыгынын Иосиф деп кижизиле кол алыштырган кыска ийди; кыстын ады-јолы Мария болгон. 28 Аетел Марияга кирип, айтты: - Сүүн, Јакшылыкту! Бий сениле кожо! [Уй улус аразында сен алкалу.] 29 Мария ангелди көрөлө, айткан сөзин кайкап, бу мынайып уткуганы не атасы болотон деп, санана берди. 30 Ангел ого айтты: - Коркуба, Мария! Кудайдан сеге јакшылык јетти. 31 Барланып, уул бала табарын, Оны Иисус деп адаарын. 32 Ол улу болор, Öрө Турганнын Уулы деп адалар; Бий Кудай Ого улу адайы Давидтин ширеезин берер; 33 Иаков кальнын каан болуп үргүлјиге башкарар, Онын каандыгынынш учы-куйузы јок болор. 34 Је Мария ангелден сурады: - Ол канайып болор? Мен өбөөнимле билишпес инем! 35 Ангел ого каруу жандырып, айтты: - Сеге Агару Тын түжер,

Өрө Турганнын күчи көлөткө чилеп сени бүркеп ийер; онойып табатан балан агару болор, Кудайдын Уулы деп адалар. 36 Бат, төрөөнүн Елисавета, ол до карыыр жөбинде барланып калды, алтынчы айга барып жат, оны десе, бала таппас дешкен. Ол база уул бала табар. 37 Кудайдын сөзи бүтпей калбас. 38 Мария: - Мен Бийдин кулы эдим, сенин айтканынча болгой - деди. Ангел жүре берди.

Мариянын Елисаветага жолугуп жүргени

39 Бу күндөрдө Мария жолго көндүгүп, туулу ороонго, Иуда калазына бачымдап барды. 40 Захариянын айлына келип, Елисаветала эзендешти. 41 Елисавета Мариянын үнин угарда ла, ичиндеги балазы кыймыктанды; Елисавета Агару Тынла толуп, 42 тын үнденип айтты: - Уй улус аразында сен алкышту! Карындап жүргөн баланды Бий алкады! 43 Мен кем ондый, меге Бийимнин энези келетен? 44 Эзендешкен үнин кулагыма угуларда, ичимдеги балам сүүнип секирди. 45 Сен, Мария, Бийдин сеге айтканыла болор деп бүткенин учун жежиктү!

Мариянык сарыны

46 Мария айтты: - Жулам менин Бийди улуркадып жат, 47 тыным менин Аргадаачы Кудайыма сүүнип жат, 48 Ол Бойынын кулы жобожыганын көргөни учун. Бу өйдөн ала ончо үйелер мени жежиктү деп айдар, 49 Күчтү Бойы, меге улу керек эткени учун. Онын ады агару! 50 Оны байлап, Онон айап жүргөн улуска үйеден үйеге быйаны жедер! 51 Ол Бойынын колыла улу неме этти; улуркактарды ончо санаазыла кожо тоскурып ийди; 52 жаңда отургандарды ширеезинен антарып, базынчыкта жүргендерди көдүрди; 53 аштап жүргендерге жакшылык сыйлады, байларды как куруга тайып ийди. 54-55 Ада-өбөкөлөриске: Авраамга ла онын калдыктарына үргүлжиге быйаным жетирерим деп, айдып салган сөзин Ол эске алынып, Израильге - Бойынын кулына болужарга келди. 56 Мария

Елисавета-эште үч ай кире жүреле, жанып ийди.

Крестеечи Иоаннык туулганы

57 Айы-күни једип, Елисавета уул бала тапты. 58 Бий Елисаветага улу быйанын јетиргенин угала, айылдаштары ла төрө-өндөри оныла кожо сүүнижип турдылар. 59 Сегизинчи күнде баланы томдоорго келгилеп, оны адазынын адыла Захария деп адаарга санандылар. 60 Је энези: - Јок, онын ады Иоанн болор - деди. 61 - Сенин угында ондый атту кижии јок! - дешкилеп, 62 уулын кем деп адаарга турганын билерге, адазынан имдеп сурадылар. 63 Захария јалбак агаш сурап алала, «Онын ады Иоанн» - деп чийди. Ончолоры кайкашты. 64 Бу ла тушта онын тили-оозы чечилип, Кудайды алкап, эрмектене берди. 65 Айылдаштары сүрекей коркыды; кайкамчылу учурал керегинде куучын туулу Иудейге текши јайылды. ^Уккан улус ончозы оны көксине алынып, «Бу бала кем болгой не?» - дежип турдылар. Чындап та, Бий оныла кожо болгон.

Захариянын сарыны

67 Онын адазы Захария Агару Тынла толуп, јарчы болуп айда берди: 68 - Бийге, Израиль Кудайына, баш болзын! Ол Бойынын калыгына келип барган, ого толу берген. 69-71 Бойынын агару јебрен јарчылары ажыра сөзин берип, бойыс аргаданатан, - өштүлеристен, бисти јаман көргөндөрдүн колынан аргадайтан күчтү Аргадаачыны Ол Давид кулынын калдыгынан биске јайап берди. 72 Ол бистин адаларыбыска быйан берерим, Бойымнын агару кереезимди сананып жүрерим деп, сөзин берген. 73-75 Өштүлерден бисти аргадаар болуп, Ол бистин улу адайыс Авраамга чертенген. Онын эткениле, Онын алдында бис агару ла чындык болорыс, кемнен де јалтанбай, ончо күндеристин туркунына Онын керегине жүрерис. 76 Сен дезе, балам, Өрө Турганнын јарчызы деп адаларын, Бийге јолдор белетеерге, Онын алдынан келерин, 77 кинчектери ташталганы ажыра аргаданары керегинде Онын калыгына билим

берерин. 78 Бисти сүүген ле биске быйанын берген Кудайыс тенериден биске жарык тандак ийер - 79 ол чыгып, карачкыда отурган, өлүмнин көлөткөзинде жүрген ончо улусты бойынын жарыгыла чалыдып ийер; амыр-энчүге экелетен жолды ол биске көргүзип берер. 80 Бала дезе чыдап, тын-санаазы ойгорып турды; Израиль калыкка ачылар өйи жеткенче, ээн талаларда жүрди.

Иисустын туулганы

2:1 Ол күндерде каган Август ончо жердеги улустын тын-тоо-зын алзын деп жакарган. 2 Квириний Сирияны башкарып турарда, бу баштапкы тооалыш болгон. 3 Ончозы бичидерге, кажызы ла бойынын калазына бардылар. 4 Иосиф Давид угынан, онын калдыгы болгон. Онын учун ол Галилейдеги Назарет каладан Иудейдеги Давидтин Вифлеем дейтен калазына барды. 5 Оныла кожо кол алыштырган, барлу болгон Мария барды. 6 Вифлеемде Мариянын бала табар өйи једип, 7 тун уул бала тапты. Айылчы түжер үйде ологго јер табылбаган учун, Оны чуулайла, өлөн салгышка салып койды. 8 Ол јерде јаланда күдүчилер үүрлү койын коно каруулдап тургандар. 9 Ологго Бийдин ангели көрүнип, Бийдин магы ологорды чалыдып ийди; күдүчилер сүрекей коркыды. 10 Је ангел ологорго: - Коркубагар! - деди. - Мен слерге сүүнчилү јар - ончо улуска улу сүүнчи экелип јадым. 11 Бүгүн Давид калазында слерге Аргадаачы туулды - Христос Бий! 12 Бат слерге билди: өлөн салгышта чуулу јаткан баланы көрөригер. 13 Сакыбаган јанынан бу ангелле коштой тенеринин көп черүлери көрүнип, Кудайды алкай бердилер: 14 - Көк-тенеридеги Кудайга мак! Менин јакшылыкту күүн-табым бар улус ортодо јерде энчү. 15 Ангелдер тенери өрө чыга берерде, күдүчилер бой-бойларына айдышты: - Вифлеем барып, ондо не болгонын, Бийдин биске айтканын көрөлик. 16 Јылгырлап барала, Марияны, Иосифти ле өлөн салгышта јаткан баланы таап алдылар. 17 Баланы көрөлө, Ол керегинде нени укканын куучындай бердилер. 18 Күдүчилердин куучынын уккан

улус ончолоры алан кайкажып турдылар. 19 Мария дезе, бу сөстөрди ончозын көксине алынып, чеберлеп турган. 20 Көргөни-укканы учун Кудайды алкап ла мактап, күдүчилер кайра бурулдылар: ончозы ангелдин айтканыла болгон. 21 Сегис күннин бажында, баланы томдойтон ой жедерде, Оны Иисус деп ададылар; бу атты ангел Ого табылгалакта берип койгон.

Иисус Өргөөдө

22 Моисейдин Јасагыла олордын аруланар күндери түгенерде, јаш баланы Бийдин алдына тургузарга, Иерусалимге экелдилер. 23 Тун туулган эр киндиктү баланын кажызы ла Бийге молјолзын деп, Бийдин Јасагында айдылган. 24 Бийдин Јасагыла олор анайда ок эки күүлечек ол эмезе күүленин эки балазын тайар учурлу болгон. 25 Ол тушта Иерусалимде Симеон деп кижі јуртаган. Ол акту, ак санаалу кижі болгон, Израильди Кудай аргадаар күнди сакып јүрген; Агару Тын онын бойында болгон. 26 Кудай ийген Христосты көрбөйинчен өлбөзин деп, ого Агару Тыннан күн-эртеде айдылып калган. 27 Агару Тын Симеонды Өргөөгө экелди. Кудай јанын јандаарга, ада-энези Иисус баланы алып келерде, 28 Симеон Оны колго алып, Кудайды алкайла, айтты: 29 - Бий! Бойыннын айтканынча, эм кулынды амырын божодып јатканын бу. 30 Менин көзим Сенин аргадажынды көрди. 31 Оны Сен ончо калыктар алдында белетеген: 32 кара јандуларга ачылта, Израиль калыгына мак берип турган јарыкты. 33 Иосиф ле Мария бала керегинде айтканын кайкап уктылар. 34-35 Симеон олорды алкайла, Иисустын энезине, Марияга айтты: - Бу баладан улам Израильде көп улус јыгылар, көбизи өрө турар, сенин де тын-јуланнан үлдү өдөр. Бу бала Кудайдын билдизи болор, ого удур көп улус туруп чыгар, онызыла олор јүректеринде алып јүрген санааларын ачар. 36 Өргөөдө анайда ок јарчы Анна болгон. Ол Асир укту, Фануилдин кызы болгон; бойы бош гсарып калган. Барган кижизиле јети јыл јуртайла, тул калган. 37 Онон ло бери сегизен төрт јашка јеткенче,

тул жүрген. Өргөөдөн ырабай, түни-түжи мүргүп, орозо тудуп, Кудайдын керегине жүрген. 38 Бу өйдө ол базып келеле, Кудайга алкыш жетирип, Кудай Иерусалимди жайымдаарын сакып жүрген ончо улуска жаш бала керегинде куучындап турды. 39 Иосиф ле Мария Бийдин жанын жандайла, Галилейдеги Назарет калазына жанып келдилер. 40 Бала дезе чыдап, күчи кирип, ойгорып турган; Кудайдын жакшылыгы Онын Бойында болгон. 41 Иисустын ада-энези жылдын сайын Иерусалимге Пасха байрамга барып туратан. 42 Иисус он эки жашту болордо, олар жанжыкканыла Иерусалимге байрамдап бардылар. 43 Байрамнын күндери божордо, жанып ийдилер; Иисус дезе, Иерусалимде артып калды. Ада-энези онызын билбей, 44 Иисус өскө улусла кожо келеткен деп бодогон. Күндик жерди өдөлө, төрөгөндөрдин, көрүш-таныштардын ортозынан Иисусты бедирей бердилер; 45 таппай салала, Оны бедиреп, Иерусалимге ойто бурулдылар. 46 Иисусты үч күннин бажында Өргөөдөн таптылар. Ол үредүчилердин айтканын угуп, сурактар берип, олардын ортозында отурган. 47 Иисусты уккан улус ончолоры Онын керсүзин ле карууларын кайкажып тургандар. 48 Ада-энези Иисусты көрөлө, алан кайкадылар; энези Ого айтты: - Балам! Бу Сен кайттын, не онойдо кылындын? Адаг да, мен де Сени бедиреп, ачу-коронго түштис. 49 - Мени слер не керек бедиредеер? - деп, Иисус сурады. - Мен Адамнын айлында болотонымды билбедеер бе? 50 Же олар Иисустын айтканын ондободы. 51 Иисус ада-энезиле кожо барып, Назаретке келди, оларго сөсуккур жүрди. Энези дезе, Онын айткан сөстөрүн жүрегинде чеберлеп алып жүрди. 52 Иисус чыдап, ойгорып турды; Кудайдын да, улустын да Ого быйаны тынып турган.

[Крестеечи Иоаннык жарлыктаганы](#)

3:1 Бу керек каган Тиверий Римди он бежинчи жыл башкарып жадарда болгон. Ол тушта Понтий Пилат Иудейде, Ирод дезе, Галилейде бийлеген, онын карындажы Филипп Итурейде ле

Трахонитида тергееде, Лисаний дезе, Авилинейде бийлеген. 2 Анна ла Каиафа улу абыстар болордо, ээн талада Захариянын уулы Иоаннга Кудайдан сөс келген; 3 ол Иордан-сууны сындай жерлерди эбирип, мынайда жарлыктап жүрген: «Кудайга баштанып, креске түжүгөр, кинчектеригер ташталзын деп!» 4 Жарчы Исаиянын бичигинде мынайда айдылган: «Ээн талада кыйгырган кижинин үни бу: „Бийге жол белетегер, орык жолдорун түс эдигер! 5 Не ле кобы-жик толо берзин, не ле туу ла төн жабызазын, бурулчыктар, онкок-чинкектер түзезин! 6 Ол тужында Кудайдын аргадажын кажы ла кижичи көрүп ийер"». 7 Креске түжерге келген улуска Иоанн айдып турган: - Жыланнын ач-үрени! Кудайдын келер өйдөги чугулынан кыйыжар жолды слерге кем көргүзүп берди? 8 Кудайга ак сананып баштанганаарды эткен-тутканыгарла керелегер! «Адабыс Авраам» - деп, ичигерде айдарга сананбагар! Айдып турум слерге: Кудай бу таштардан Авраамга балдарды жазап берер аргалу. 9 Ай-малта агаш төзинде эм белен жадыры: жакшы үрен бүтпес агашты кезип, отко таштайтан. 10 «Бис нени эдетенис?» - деп, калык сураарда, 11 Иоанн ологго каруузын жандырып турган: - Эки чамчалу кижичи чамча жок кижиге берзин; аш-курсакту кижичи база анайда этсин. 12 Креске түжерге албанчылар база келген. - Уредүчи, бис нени эдетенис? - деп, олог сурагандар. 13 Иоанн ологго: - Улустан артык неме некебегер - деген. 14 Анайып ок жуучылдар: - Бис нени эдетенис? - деп сураарда, Иоанн айткан: - Кемди де тарындырбагар, сайгактабагар, иштеп алган акчагарла болорзынгар. 15 Сакылтада жүрген калык: «Шак бу кижичи Христос болды ба?» - деп, ичинде Иоанн керегинде сананып турган. 16 Же Иоанн ончо улуска мынайда айткан: - Слерди мен суула крестеп жадым. Же менен Күчтү болгоны келедири. Мен Онын өдүгинин буужын да чечерге турбазым. Слерди Ол Агару Тынла, отло крестеер. 17 Эскин Онын колында. Идиргенин Ол арутайла, буудайын анбарына урар, саламын дезе, өчпөс отко таштап өртөөр. 18 Иоанн улусты анайып ла көп өскө дө сөстөрлө бүдүндирип, Сүүнчилү Жар жарлап жүрген. 19 Башкаручы Ирод келдин Иродиаданы алганы учун, өскө дө жарабас кылыктары

учун, Иоанн оны бурулап турган. 20 Ирод дезе, база бир жарабас керек эдип, Иоаннды түрмелеп койгон.

Иисустык креске түшкени

21 Калык ончозы креске түжүп турарда, Иисус база креске түшти. Мүргүп турарда, көк-тенери ачылып, 22 Агару Тын, күүле кеберин алынганча, Онын үстине түжүп келди, тенериден үн угулды: - Сен - Менин сүүген Уулым, Сенде Менин жакшылыкту табым!

Иисустык ада-өбөкөлөри

23 Иисус Кудайдын керегине жүрүп баштаарда, одус жаш ки-релү болгон. Оны улус Иосифтин уулы, Илийдин жеен уулы деп бодогон. 24 Иисустын арткан ада-өбөкөлөри: Матфат, Левий, Мелхий, Ианнай, Иосиф, 25 Маттафий, Амос, Наум, Еслим, Наггей, 26 Мааф, Маттафий, Семей, Иосих, Иодай, 27 Иоаннан, Рисай, Зоровавел, Салафиил, Нирий, 28 Мелхий, Аддий, Косам, Елмодам, Ир, 29 Иисус, Елиезер, Иорим, Матфат, Левий, 30 Симеон, Иуда, Иосиф, Иоанам, Елиаким, 31 Мелеай, Меннай, Маттафай, Нафан, Давид, 32 Иессей, Овид, Вооз, Салы, Наассон, 33 Аминадав, Админ, Арния, Есром, Фарес, Иуда, 34 Иаков, Исаак, Авраам, Фарра, Нахор, 35 Серух, Рагав, Фалек, Евер, Салы, 36 Каинан, Арфаксад, Сим, Ной, Ламех, 37 Мафусал, Енох, Иаред, Малелеил, Каинан, 38 Енос, Сиф, Адам, Кудай.

Иисусты ченегени

4:1 Иисус Агару Тын алынып, Иорданнан жанып келди, Тын Оны ээн талага алып барды. 2 Анда Ол төртөн конок көрмөскө ченедип, курсак жибеди; учында аштай берди. 3 Көрмөс Ого айтты: - Сен Кудайдын Уулы болзон, бу ташка жакарып ий, калаш боло берзин деп. 4 Иисус каруу жандырып, көрмөскө айтты: - «Кижжи жаныс калашла тирү жүрер эмес, [је Кудайдын не ле сөзиле тирү жүрер]» деп

чийген сөс бар. 5 Көрмөс Иисусты бийик тууга алып чыгала, жер-телекейдин ончо каандыктарын элес эттире көргүзүп, 6 Ого айтты: - Булардын ончозынын бажын билерин, магын Сеге берейин. Мынын ончозы меге берилген, оларды кемте берейин дезем, бойымнын табым. 7 Меге жангыс бажырып ий - ончозы Сенийи болор. 8 Иисус каруузын жандырды: - [Менен кезде тайыл, көрмөс!] Чийген сөс бар: «Бийге, бойыннын Кудайына, бажыр, жангыс Ого иштеп жүр». 9 Көрмөс Иисусты Иерусалимге апарып, Öргөөнин канадына тургузала, айтты: - Сен Кудайдын Уулы болзон, мыны төмөн калып ий. 10 Чийген сөс бар эмес беде: «Сени чеберлеп жүрзин деп, Бойынын ангелдерине жакыыр. 11 Будын ташка бүдүрилбезин деп, Сени кол бажына алып баргылаар». 12 Иисус каруузын жандырды: - «Бийди, бойыннын Кудайынды, ченебе» деп айдылган. 13 Ончо ченелтезин туузылтала, көрмөс бир кезекке Иисустан жүре берди.

Иисустык жарлыктаганы

14 Тыннан күч алынала, Иисус Галилейге бурулды; Ол керегинде куучын-эрмек эбیره жерлерге жайыла берди. 15 Олордын синагогаларында улус үретти, ончолоры Оны макка чыгарып турдылар. 16 Иисус өскөн жерине - Назаретке келди. Бойынын жангыс, суббот күнде синагогага кирип, Чийим кычырарга өрө турды. 17 Ого Исаия жарчынын түрбегин алып бердилер; Ол түрбекти жайа тудуп, мынайда чийилген жерди таап алды: 18 «Бийдин Тыны - Менин Бойымда; Ол Меге жан берип, түрени улуска Сүүнчилү Жар жетирсин деп, олжого киргендерге жайым керегинде, сокорлорго көстөри жарыйтаны керегинде жарлазын деп ийген. Мени Ол базынчыкта жүргендерди божотсын, 19 Бийдин улуска быян эдетен жылы једип келгенин жарлазын деп ийген». 20 Түрбекти түрүп, синагоганын ишчизине табыштырып, Иисус отура берди; ондо отурган улус ончолоры Иисустан көс албай турдылар. 21 Иисус олорго айдып баштады: - Мында айдылган, слер уккан сөстөр бүгүн

бүтти. 22 Ончолоры мынын чынын керелеп, Онын айткан јакшылык сөстөрүн кайкажып, «Бу Иосифтин уулы эмес беди?» - деп, сурап турдылар. 23 Иисус айтты: - «Эмчи, бойынды бойын јас» деген кеп сөсти Меге айтпай кайдарыгар; «Бистин укканыбысча, Капернаумда нени эткен эдин, мында, төрөл јеринде, база анайда эт» дешкейигер. 24 Је Мен чынын айдадым слерге: кандый да јарчыны төрөл јеринде јуутпай јадылар. 25 База чынын айдып турум слерге: Илия тужында үч јыл алты ай јаш јаабай, ончо јерлерде ачана-торо болордо, Израильде көп тул келиндер болгон. 26 Је Илия омор-дын кемизине де ийилбей, јаныс Сидоннын јуугындагы Сарептада јаткан тул келинге ийилген. 27 Анайып ок Елисей јарчы тужында Израильде капкаш баалулу улус көп болгон, је Сириянын кижизи Нееманнан өскө, омордын бирүзи де аруталбаган. 28 Мыны угала, синагогада отурган ончо улус аткыйлана берди. 29 Тура јүгүрижип, Иисусты каладан алып чыгала, јардан ийде салып ийерге, кала турган туунын үстине апардылар. 30 Је Ол көп улустын ортозынча өдүп, јүре берди.

Оору-јоболду улусты јасканы

31 Иисус Капернаумга, Галилейдеги калага келип, суббот күнде улус үретти. 32 Иисустын үреткенин кайкажып турдылар, Онын айткан сөстөринде күч бары билдирип турган. 33 Синагогада өзөк-буурында кара јелбистү кижиде болгон. Байа кижиде кышкыра берди: 34 - Эй, Сенин бисте не керегин бар, Назаретте јерлү Иисус? Сен бисти өлтүрерге келдин бе? Кем болгонынды мен билер турум, Сен - Кудайдын Агарузы! 35 Је Иисус: - Унчукпа дейдим, бу кижиден чык! - деп, кара јелбиске јакарды. Јелбис оору кижини улустын ортозына јыга базып, ого каршу јетирбей, өзөк-буурынан чыга берди. 36 Ончолорынын куды чыгып, бой-бойларына айдыжып турдылар: - Бу не сөс? Ондо јан ла күч бар, Ол кара јелбистерди јакарып ийгенде, омор чыга бергилейт! 37 Иисус керегинде табыш эбире јерлерге текши јайылды. 38 Синагогадан

чыгала, Ол Симон-эшке кирди; Симоннын кайын энези эди-каны изип-күйүп, ооруп жаткан; Иисусты ого болушсын деп сурадылар. 39 Иисус кайын энеге энчейип, ооруга жакарып ийерде, ол жазыла берди; төжөктөн туруп, айылчыларды кичееди. 40 Күн бадып барадарда, жүзүн-жүүр оору-јоболду улусты Иисуска экелдилер; Иисус олордын кажызына ла колын салып, жазып турды. 41 - Сен - Кудайдын Уулы! - деп кыйгырганча, јелбистер көп улустан чыгып турдылар. Оны Христос деп, јелбистер билер учун, неме айтпазын деп, Иисус олорды жакарып турды. 42 Түш боло берерде, Иисус чыгып, аалга јерге јуре берди. Көп улус Оны бедиреп барды; табала, олордон барбазын деп, сурап турдылар. 43 Је Иисус айтты: - Кудай Каандыгынын сүүнчилү јарын Мен өскө дө јерлерге јарлаар учурлу. Менин ийилген керегим ол. 44 Анайып Ол Иудейдин синагогаларында јарлыктап јурди.

Баштапкы үренчиктер

5:1 Бир күн Иисус Геннисарет көлдин жаказында јүрерде, калык Кудайдын сөзин угарга, кысталыжып турган. 2 Иисус көлдө турган эки кемени көрүп ийди; балыкчылар дезе, кемелеринен чыпш, шүүндерин чайбап, јунуп тургандар. 3 Ол Симондыйы болгон бир кемеге кирип, јараттан эмеш кеде јүссин деп сурады; отурып, улусты кемеден үреде берди. 4 Уредип божойло, Симонго айтты: - Көлдин терең деген јерине јүс, ондо шүүндегер. 5 Симон Ого айтты: - Уредүчи! Бис түниле иштенип, неме тутпадыс, је Сенин айтканынча, шүүндеп көрөйин. 6 Шүүндегилеп, ума јок көп балык туттылар, керек дезе, шүүндери јыртылып турды. 7 Келип болушсын деп, өскө кемедеге нөкөрлөрине кол јаныдылар; олар жүзүп келдилер. Кеменин экилезин балыкла толтурарда, кемелер чөнүп баштады. 8 Мыны көрөлө, Симон Петр Иисустын тизезине јаба түжүп, айтты: - Менен кеде баргын, Бийим, мен кинчектү кижидим! 9 Олор туткан балыктын көбинен Симоннын ла оныла кожо болгондордын коркужы келди; 10 анайда ок Симоннын нөкөрлөри -

Зеведей уулдары Иоаков ло Иоаннын. Же Иисус Симонго: - Коркуба, - деди, - бүгүннен ала улусты шүүндеерин. 11 Олор кемелерин жаратка чыгарып, бар-жогын артырып, Иисусты ээчий бастылар.

Капкаш баалулу кижини јасканы

12 Иисус бир калада жүрерде, бастыра бойы капкаш баалулу кижини келди. Иисусты көрөлө, Онын алдына көнкөрө жыгылып, жалына берди: - Бийим, мени арутайын дезен, арутап ийерин! 13 Иисус колын сунуп, ого тийеле, айтты: - Арутайын, ару бол. Ол ло тарый капкаш баалу сойылып, түже берди. 14 Кижиге неме айтпазын деп, Иисус ого јакыды. - Абыска барып көрүн - деди. - Аруталганын учун Моисей-дин салып бергениле тайылга эт, онызын ончо улус көрзин, сени кадык деп билзин. 15 Же Иисустын чабы там јайылды, Онын айткан сөзин угарга, оору-јоболын јастыраарга, сүрекей көп улус келип турды. 16 Иисус дезе, аалга јерлерге барып, ондо мүргүүр болды.

Курулып калган кижини јасканы

17 Бир күн Иисус үредип турарда, Галилейдин ле Иудейдин ончо јерлеринен, база Иерусалимнен келген фарисейлер ле јасакчылар анда ок отургандар. Иисуста Бийдин улусты јазар күчи болгон. 18 Бир кезик улус курулып калган кижини төжөккө салганча экелдилер; Оны үйге кийдирерге, Иисустын алдына салып берерге албаданып турдылар. 19 Улустын көбине үйге кирип болбой салала, онын үстине чыгып, базирузын ойоло, оору кижини улустын ортозына, Иисустын чике алдына төжөгиле катай түжүрип ийдилер. 20 Иисус олардын бүдүп турганын көрөлө, бу кижиге айтты: - Сенин кинчектерин ташталып калды. 21 Бичикчилер ле фарисейлер бойлоры ортодо табыштылар: «Кудайды мынайып јамандап турган бу не кижини? Кинчекти Кудайдан өскө кем таштаар аргалу?» 22 Иисус олардын ичиндеги сагыжын билип, айтты: - Слер не анайда сананып јадыгар? 23 «Кинчектерин таш-талган» деп айдарга јенил

бе, айса: «Өрө туруп, база бер» деери жеңил бе? 24 Же Кижиге Уулында жер үстүндө кинчектерди таштайтан жан барын слерди билзин деп анайда айттым - дейле, оору кижиге баштанды: - Сеге айдадым: тур, төжөгин тудунганча, айлыга жан. 25 Оору кижиге ол бойынча, олардын алдына туруп, жаткан төжөгин алып, Кудайды алкап, жана берди. 26 Ончолоры алан кайкажып, Кудайды алкадылар. Коркуп калган бойлоры, айдыжып турдылар: - Бүгүн бис сан башка кайкамчылуу немелер көрдүбүс!

Левийди кычырып алганы

27 Мынын кийинде Иисус чыгып, калан жуур жердин жанында отурган Левий деп албанчыны көрүп ийеле: - Мени ээчий бас! - деди. 28 Онызы ончо немезин артырып, өрө туруп, Иисусты ээчий басты. 29 Иисуска учурлап, Левий айлында жаан күндү-күрөө этти; ондо Оныла кожо кыйын жаткан көп албанчылар ла өскө дө улус болгон. 30 Фарисейлер ле олардын бичикчилери кимиренип, Иисустун үренчиктерине айдып турдылар: - Слер албанчыларла, кинчектү улусла кожо не керек ичип-жип жадыгар? 31 Иисус оларго айтты: - Эмчини кадык улус керексиир эмес, эмчини оору улус керексиир. 32 Мен Кудайга баштансын деп, актуларды эмес, кин-чектүлөрдү кычырарга келгем.

Орозо керегинде сурак

33 Бичикчилер ле фарисейлер Иисуска айттылар: - Иоаннын үренчиктери улам сайын орозо тудуп, мүргүп жат, фарисейлердийи база; Сенийи дезе, ичип-жип жадылар. 34 Иисус оларго айтты: - Кижиге ажан уул кожо жүргенде, тойлоп келген улусты орозо туттуруш болороор бо? 35 Же кижиге алган уулды олардон алып барар күндөр келер, бу тушта, ол күндөрдө олар орозо тудар. 36 Иисус онон укаа сөс айтты: - Жаңы кийимнен тилим кезип, эски кийимге жамачылабайтан; анайткажын, жаңы кийим де үрелер, жаңы жамачы эски кийимге де жарабас. 37 Жаңы аракыны эски тажуурга урбайтан;

анайткажын, жаңы аракы тажуурды жара тебер, аракызы да төгүлөр, тажууры да үрелер; 38 жаңы аракыны жаңы тажуурга уратан. 39 Эски аракыны ичкен кижин ол тарыйында жаңызын ичпес, эскизи артык деер.

Суббот күн керегинде сурак

6:1 Суббот күнде Иисус ашту кырала базып бараткан; үренчик-тери мажакты үзүп, уужайла, жип тургандар. 2 Фарисейлердин кезиги айдышты: - Суббот күнде этпейтенди не керек эдип жадыгар? 3 Иисус каруузын жандырды: - Давид бойы да, кожо жүрген улузы да аштайла, нени эткен эди, слер кычырбадаар ба? 4 Ол Кудайдын байзынгына киреле, ыйык калашты бойы алып жиген, бойынын улузына да берген. Байа калашты десе, абыстардан өскө кемнин де жиир учуры жок болгон. 5 Иисус онон айтты: - Кижин Уулы - суббот то күннин бийи. 6 База бир суббот күн Ол синагогага кирип, улус үретти; ондо он колы кургап калган кижин болгон. 7 Бичикчилер ле фарисейлер Иисусты бурулаар шылтак бедиреп, ол кижини суббот күнде жаскай не деп, кетежип турдылар. 8 Же Иисус олардын сагыжын билип, кургап калган колду кижиге айтты: - Өрө туруп, улустын ортозына чык. Байа кижин туруп, ичкеери өтти. 9 Иисус оларго айтты: - Мен слерден сурап угайын: суббот күнде нени эдер керек? Жакшыны ба, айса жаманды ба? Тынды аргадаар ба, айса кыйар ба? [Олор унчукпай турдылар.] 10 Олорды ончозын аяктап, Иисус байагы кижиге: - Колыңды сун - деди. Ол сунды, колы кан-кадык боло берди. 11 Бичикчилер ле фарисейлер калжуурып, Иисусты канайып ийели деп, шүүшкилеп турдылар.

Он эки апостол тутканы

12 Ол күндерде Иисус тууга чыгып, түниле Кудайга мүргүген. 13 Таң адарда, үренчиктерин Бойына кычырып алып, олардын ортозынан он эки кижин талдап, апостолдор деп адады. 14 Олор: Симон, оны Петр деп адады, онын карындажы Андрей, Иаков ло

Иоанн, Филипп ле Варфоломей; 15 Матфей ле Фома, Алфей уулы Иаков ло Зилот дейтен Симон; 16 Иаков уулы Иуда ла соңында Иисусты садып ийген Иуда Искарот.

Кежик экелип турган салымдар

17 Иисус олорло кожо туудан түжүп, түс јерге турды; көп үренчиктери, база Иудей ичинен, Иерусалимнен, Тир ле Сидоннын талай јаказындагы јерлеринен камык улус кожо болгон; 18 олор Иисусты угарга, оору-јоболынан јазыларга келгендер. Кара јелбистерге кыйнаткан бойлары јазылып тургандар. 19 Ончолоры Иисуска тийип ийерге јүткүген, ненин учун дезе, Иисустан күч чыгып, ончолорын јазып турган. 20 Иисус үренчиктери јаар көрүп, айтты: - Түренилер кежиктү; Кудайдын Каандыгы слердийи. 21 Эмди аштап јүргендер кежиктү; слер тойорыгар. Эмди ыйлап јүргендер кежиктү; слер каткыларыгар. 22 Кижиге Уулы учун улус слерди јаман көрүп, айрып, айткышап, адьгарды јаман деп чаптап, айдыш турза, кежиктү болгоныгар ол. 23 Ол күнде сүүнигер, јыргагар; тенериде слерди улу-јаан кайрал сакып јат. Олордын адалары јарчыларга анайып ок эдип јүргендер. 24 Слерге дезе, байларга, ачу-корон! Слер једер коодыгарга јединип алганыгар. 25 Эмди өткүре тойу јүргендерге ачу-корон! Слер аштап торолорыгар. Эмди каткырып јүргендерге ачу-корон! Слер ыйлап сыктарыгар. 26 Слерди ончо улус јакшылап айткжын, слерге ачу-корон! Олордын адалары төгүн јарчыларга анайып ок эдип јүргендер. 27 Је угуп турган слерге айдадым: өштүлереерди сүүп јүрүгер, слерди јаман көргөн улуска јакшыгар јетирип јүрүгер; 28 слерди каргаган улусты алкап јүрүгер, слерди јамандаган улус учун мүргүп јүрүгер. 29 Јаагына тажыган кижиге база бир јаагынды төгөп бер; катанчыгынды блаап јаткан кижиге чамчанды да аларга буудак этпе. 30 Сенен сураганга - бер, сенен алган немени - кайра некешпе. 31 Улус слерге кандый болзын дезегер, бойыгар да олорго анайып эдигер. 32 Слерди сүүген улусты сүүп турган болзогор, слерге

ненин учун алкыш-быйан айдатан? Кинчектүлөр де оларды сүүп турган улусты сүүп јат. 33 Слерге јакшызын јетирип тургандарга јакшыгарды јетирип турган болзогор, ол учун слерге кандый алкыш-быйан? Кинчектүлөр де анайда эдип јадылар. 34 Ойто јандырып бергедий иженчилү улуска өдүшке берип турган болзогор, слерге кандый алкыш-быйан? Кинчектүлөр де кинчектүлөрге ордынча ойто аларым деп берип јадылар. 35 Је слер өштүлөреерди сүүп јүрүгөр, јакшыгарды јетиригер, өдүшке беригер, нени де сакыбай; слерге улу кайрал болор, Өрө Турганнын уулдары болороор, ненин учун дезе, Ол јакшызы јок то, јаман да улуска быйанзак. 36 Адагар улуска буурсак эди, слер де буурсак болугар. 37 Јаргылабагар, слерди де јаргылабас; бурулабагар, слерди де бурулабас; јаманды таштагар, слердийи де ташталар; 38 беригер, слерге де берилер: јакшы кемле, тыктап, тепсеп, эдегеерге толо уруп бергилеер. Кандый кемле кемјизегер, анайда слерге кемјилер. 39 Иисус ологорго анайда ок укаа сөс айтты: - Сокор кижии сокорды јединип јүрер бе? Экилези орого түжер эмес пе? 40 Уренчик үредүчизинен бийик болбос, је үренеле, үредүчизиндий ок болор. 41 Карындажыннын көзиндеги будакты не көрүп јадын, бойыннын көзиндеги тоормошты дезе, сеспейдин бе? 42 Ол эмезе, көзиндеги тоормошты бойын көрбөй јадып, «Карын-даш, көзиндеги будакты чыгарып ийейин» деп, канайып айдарын? Опту! Озо бойыннын көзиндеги тоормошты чыгар, ол тушта карындажыннын көзиндеги будакты канайып чыгара-рын көрүп аларын. 43 Јакшы агаштан јаман јиилек бүтпейтен, јаман агаштан јакшы јиилек бүтпейтен. 44 Агашты бүткен јиилегинен танийтан. Амтанду јиилектен тегенектен јуубайтан, виноградты тегенектү кырчыннан тербейтен. 45 Јакшы кижии жүрегинде чеберлеген јакшызынан алып чынар; јаман кижии жүрегинде чеберлеген јаманынан алып чыгар. Кижинин жүреги неле ажа толгон, оозынан чыгары ол. 46 Слер, айтканымды этпес бойыгар, Мени: «Бий! Бий!» деп не айдадыгар? 47 Меге келип, айткан сөзимди угуп, оны бүдүрип жүрген кижии кемге түнейин слерге айдып берейин: 48 ол тура туткан кижиге түней. Байа кижии јерди

теренжиде казып, туранын төзин ташка салган. Чайык чыгып, турага табарган, је оны јайрадып болбогон, ненин учун дезе, ол чынык тудулган. 49 Сөзимди угарын угуп, оны бүдүрбегени, туразын төзөлгө јокко, јердин бойына туткан кижше түнгей. Турага суу табарарда, ол антарыла берген, онон јаныс јемирик арткан.

Јүс бажынык кулын јасканы

7:1 Уккан улуска айдар сөзин туузылтала, Иисус Капернаумга кирип келди. 2 Јүс бажынын карузыган кулы ооруп, өлүп јаткан. 3 Ол бий Иисус керегинде угала, Оны келзин, кулын јассын деп сурап, иудейлердин улуларын ийди. 4 Олор Иисуска келип, сурап айттылар: - Сен ого мыны эдеринге туруп јат: 5 ол бистин калыкты сүүп јат, биске синагога тудуп берген. 6 Иисус олорло кожо барды. Айылга јууктагылап келерде, јүс бажы најыларын ийип, мынайда айтырып ийди: «Бийим, Бойынды јоботпо! Айлым ичине Сени кийдирерге турбас кижи эдим; 7 онын да учун Сеге бойым барарга турбазым деп бодогом; је сөс айт, кулым јазыла берер. 8 Бажым билер бийлү де болзом, меге башкарткан черүчилдерим бар. Кажы бирүзин: „Бар" дезем, барар; бирүзин: „Кел" дезем, келер; кулымды: „Оны эт" дезем, эдер». 9 Иисус мыны угала, ого кайкады; кайа бурулып, кийнинен келеткен улуска айтты: - Айдып турум слерге: мынайып бүдүп турган кижини Мен Израиль калыктын ортозынан да таппадым. 10 Элчилер јанып келзе, кул јазылып калтыр.

Тул келинник уулын тиргискени

11 Мынын кийнинде Иисус Наин деп калага барды; Оныла кожо үренчиктери ле көп улус барып јаткан. 12 Каланын каалгазына јууктап келерде, энезинин сок јаныс уулынын сөөгин чыгарып јаткандар. Бу келин тул болгон; Оныла кожо каладан көп улус бараткан. 13 Келинди көрөлө, Бий ого буурсап, «Ыйлаба» деди. 14 Јууктай базып келеле, межикке колыла тийип ийди; апараткан улус токтой түшти. Иисус: - Уулчак, айдып турум сеге, тирил! - деди. 15

Өлгөн уулчак өндөйип, отурып алды, онон эрмектене берди; Иисус оны энезине берип ийди. 16 Ончо улус сүрекей коркуп, - Бистин арабыстан улу Жарчы чыкты, Кудай Бойынын калыгына келип барды! - дежип, Кудайды алкап турдылар. 17 Иисус керегинде табыш Иудей жерине, оны эбیره ончо жерлерге таркады.

Крестеечи Иоаннын сурагы

18 Иоаннын үренчиктери көргөн-укканын ончозын ого айдып бердилер. 19 Иоанн эки үренчигин бойына кычырып алып, «Келер дегени Сен бе, айса өскөни сакыйлы ба?» - деп сурап угарга, Иисуска ийди. 20 Олор Иисуска келип, - Келер дегени Сен бе, айса өскөни сакыйлы ба деп сурап угарга, Крестеечи Иоанн бисти Сеге ийди - дедилер. 21 Бу өйдө Иисус көп улусты оорудан ла жоболдон, кара желбистерден жазып, көп сокор улустын көзин жарыдып ийген. 22 Ол Иоаннын үренчиктерине айтты: - Барып, көргөн-укканыгарды Иоаннга айдыгар: сокорлор көрүп тургулары, аксактар базып жүргүлери, капкаш баалулу улус аруталып жат, түлей улус угуп жадылар, өлгөндөр тирилип жат, түренилерге Сүүнчилү Жар жарлалып жат; 23 эренистелбей Меге бүткен кижиге - кежиктү. 24 Иоаннын элчилери сала берерде, Ол калыкка Иоанн керегинде айда берди: - Куба чөлгө нени көрөргө жүрдигер? Салкынга жайкаткан кулузынды ба? 25 Же нени көрөргө жүрдигер? Торко-мандык кийген кижини бе? Же жазалду жараш кийим кийгендер, сайрап жаткандар кааннын өргөозинде жүргилейт. 26 Же нени көрөргө жүрдигер? Жарчыны ба? Эйе, слер жарчыны көргөнигер, же айдып турум слерге: ол жарчыдан да улу-жаан. 27 Бу мынайда ол керегинде чийилген: «Бат, Сенин алдыннан Мен ангелимди ийип жадым, ол Сенин алдыннан жолынды белетеп койор». 28 Айдып турум слерге: кижилик угында Иоаннан жааны жок, же Кудайдын Каандыгында кичү дегени, онон жаан. 29 Иоаннды уккан ончо улус, албанчылар да, Кудайдын чындыгын алынып, Иоаннга келип, креске түшкендер; 30 фарисейлер ле жасакчылар дезе, бойлорында Кудайдын табын жектеп, Иоаннга

барып креске түшпегендер. 31 Мындый ук улусты неге түндеп айдайын? Олор кемге түней? 32 Олор тепсенде отурып, бой-бойларына мынайда кыйгырыжып турган балдарга түней: «Сыбыскы тарткан эдибис, слер бијелебедигер; сыгыт сарын сарнаган эдибис, слер ыйлашпадыгар». 33 Крестеечи Иоанн келип, аш јибесте, аракы ичпесте, «Онын өзөк-буурында көрмөс бар» дейдигер. 34 Кижин Уулы келип, јиирин јиди, ичерин ичти; слер: «Көргүлегер, ажанарга сүүр, аракызак кижин бу, албанчылардын ла кинчектүлердин најызы» дейдагер. 35 Је Ойгорлык Ойгорлыктын ончо балдарыла акталган.

Төлөтирбеген төлү керегинде

36 Фарисейлердин бирүзи Иисусты бойыла кожо аш јизин деп сураган; Ол фарисей-эшке кирип, кыйын јада отурып алган. 37 Је бат, ол каланын үй кижизи, кинчектү бойы, Иисус фарисей-эште отурганын угала, јараш јытту майлу ак балкаштан эткен јыракы экелди; 38 Иисустын кийнине, буды јанына туруп, ыйлап, Онын будын көзинин јажыла јунуп, чачыла арчып, окшоп, майла сүркүштеп турды. 39 Мыны көрөлө, Иисусты айлына кычырган фарисей ичинде айдынды: «Ол јарчы болгон болзо, Ого кем, кандый үй кижин тийип турганын билер эди, ненин учун дезе, ол кинчектү үй кижин». 40 Је Иисус ого айтты: - Симон! Мен сеге бир неме айдарга турум. Симон: - Айт, Уредүчи - деди. 41 Иисус айтты: - Öдүшке береечиге эки кижин төлүлү болгон: бирүзи - беш јүс динарий, экинчизи - бежен. 42 Је олордын төлөөр акказы јок болордо, ол кижин төлүлерин төлөтирбеген. Эм айткын, төлүлү болгон улустын кажызы оны артык сүүр? 43 - Мен бодозом, көбин төлөтирбегени - деп, Симон кару-узын јандырды. Иисус: - Сен чын сананып јадын - деди. 44 Онон үй кижиге бурулып, Симонго айтты: - Бу үй кижини көрүп турун ба? Мен сенин айлына келдим, сен будым јунар суу бербедин; ол дезе, көзинин јажыла будымды јунуп, чачыла арчыды; 45 сен Меге окшош бербедин; ол дезе, Мен келгеннен бери

будымды окшоп божободы; 46 сен бажымды майлабадын; ол дезе, будымды жараш жытту майла сүркүштеди. 47 Онын учун айдып турум сеге: ол көп сүүген учун, онын көп кинчектери ташталып туру; кемнин ас кинчеги ташталза, онын сүүри де ас. 48 Онон үй кижиге: - Кинчектерин ташталган - деди. 49 Иисусла кожо кыйын жаткан улус: «Кинчекти таштайтан бу кем андый?» - деп, ичинде айдынып турдылар. 50 Же Иисус үй кижиге айтты: - Бүдүп турганын сени аргадап алды; амырын алып, жүре бер.

8:1 Мынын кийинде Иисус Кудай Каандыгынын Сүүнчилү Жарын жарлап, калалар ла журттар сайын жүрди; Оныла кожо он эки үренчик, 2 Ол кара желбистерден ле оору-жоболдон жаскан бир кезик үй улус жүргендер: өзөк-буурынан жети көрмөс чыккан Магдалина дейтен Мария; 3 Иродтын айлы-журтын башкарган Хузанын абакайы Иоанна, база Сусанна ла өскө дө көп үй улус. Олор Иисуска ла үренчиктерге бары-жогыла болужып тургандар.

[Аш үрендеечи керегинде](#)

4 Көп улус жуулыжып, ончо калалардан Иисуска улус келип турарда, Ол укаа сөс айтты: 5 - Аш үрендеечи бойынын үренин үрендеерге чыккан; ол үрендеп турарда, үреннин кезиги јол куйнуна түшкен, оны тепсеп койгондор, тенгеринин куштары чокуп койгон; 6 кезиги ташту јерге түшкен; кылганы өзүп, чык јокко кургап калган; 7 кезиги тегенектү јерге түшкен, тегенек өзүп, оны туй базып койгон; 8 кезиги дезе, јакшы јерге түшкен. Өскүлен болуп, үрендегенине көрө, јүс катапка көп түжүм берген. Айдып божойло, Иисус үнин бийиктедип: «Кем кулакту, ол уксын!» - деди. 9 Уренчиктери бу укаа сөстин учурын сурадылар. 10 Иисус айтты: - Слерге Кудай Каандыгынын јажыттарын билери берилген, өскө улуска дезе, укаалап айдатан - олор көрзө дө, көрбөй, укса да, аайлабай јадылар. 11 Бу укаа сөстин учуры мындый: үрен - ол Кудайдын сөзи. 12 Јол куйнуна түшкени - сөсти угуп тургандары; олор бүдүп аргадалбазын

деп, оларго сонында көрмөс келип, жүректеринен сөсти алып барат. 13 Ташту жерге түшкени - ол сөсти угала, сүүнип жууткан улус; же озор, тазыл јок бойлоры, кыска ойгө бүдүп, ченелте болгондо, јана түшкилейт. 14 Тегенектү жерге түшкени - ол сөсти уккан улус; же јадынды, јөөжөни кичеери, сайрап жүрери сөсти туй базып салат, озор түжүм бербейт. 15 Јакшы жерге түшкени - ол сөсти угала, быйанду ла јакшы жүрегинде чеберлеп алып жүрген улус; чыдамкай болгондо, озор түжүм берип јат. [Иисус анайда айдала, тын үнденип, «Кем кулакту, ол уксын!» - деди.] 16 Јарыткышты камысканда, оны аяк-казанла бүркебейтен эмезе орыннын алдына тургуспайтан; карын, үйге кирген улус јарыкты көрзин деп, иле жерге тургузатан. 17 Јарталбай калар јажыт јок, јарлалбай, тыштына чыкпай калар туйук неме јок. 18 Айдарда, канайда угуп турганыгарды ајарыгар; кемде бар - ого берилер, кемде јок - онын бар деп сананган немезин де блаап алгылаар.

Иисустык чын энези ле трындаштары

19 Иисуска энези ле карындаштары келди, же улустын көбине Ого јууктап болбой салдылар. 20 - Энен ле карындаштарын Сени көрөргө, тышкаары тургулары - деп, Ого јетиргиледи. 21 Иисус айтты: - Кудайдын сөзин угуп, Онын сөзинче кылынып жүргендер - Менин энем ле карындаштарым ол.

Јотконды сыныктырганы

22 Бир күн Иисус үренчиктериле кожо кемеге кирип, «Көлдин ол јанына кечели» - деди. Озор жүзүп ийдилер. 23 Јүскилеп барадарда, Иисус уйуктап калды. Кенетийин көлгө куйун түшти, кемеге суу кирип, озор јеткерде болдылар. 24 Базып келип, Иисусты ойгозып, айттылар: - Уредүчи! Уредүчи! Чөнгүп барадырыс! Иисус өрө туруп, салкынды ла толкуны токтозын деп, јакарып ийди; озор токтоп, тымый берди. 25 - Слердин бүдүп турганыгар кайда? - деп, Иисус үренчиктеринен сурады. Коркуп, кайкап калган үренчиктер

бой-бойларына айдыжып тургылады: - Салкынга да, сууга да жакаганда, олар Ого уккур болуп турганда, бу кем болотон?

Кара желбистерге туттурган кижини јасканы

26 Олар Галилейдин одожындагы Гадара ороонына кечип чыктылар. 27 Иисус јаратка чыгып келерде, Ого каланын көрмөстөргө туттурган бир кижизи туштады; ол тапту узак өйгө кийим кийбеген, айылда эмес, сөөк салар куй-таштарда јаткан. 28 Иисусты көрөлө, ол кыйгырып, Онын алдына јыгылып, јаан үнденип, айтты: - Иисус, Өрө турган Кудайдын Уулы, Сенин менде не керегин бар? Јайнап-шилтеп турум, мени кинчектебе! 29 Бу кижиден чыксын деп, Иисус кара желбиске јакарып ийгени учун, ол мынайда айткан. Кара желбис оны узак өйгө кыйнап келген. Бу кижини улус кынјылап, кижендеп те турза, ол күлүни үзүп, желбиске сүрдүрип, аалга јерлерде јүргөн. 30 Иисус онын ады-јолын сураарда, ол: «Адым - ал-түмен черү» - деди, ненин учун дезе, ого көп желбистер кирген. 31 Иисус таамынын түбине түжүрбезин деп, олар јалына бердилер. 32 Анда тууда көп үөр чочколор одордо јүргүлеген; желбистер ол чочколордын ичине барып кирерге, Иисустан јөп сурадылар. Иисус јөбин берди. 33 Кара желбистер кижиден чыгып, чочколордын ичине барып киргиледи; чочколор кажаттан көлгө калып, чөңүп калдылар. 34 Күдүчилер не болгонын көрөлө, калага ла оны эбире јерлер сайын сыр-јүгүрикте барып, тил јетирдилер. 35 Улус не болгонын көрөргө чыктылар. Иисуска келип көрзө, өзөк-буурынан желбистер чыккан байагы бир кижини кийим-тудумду, санаазы ордында, Иисустын будынын јанында отурды; олардын коркужы келди. 36 Көргөн улус бу кижини канайда аргадалганын оларго куучындап бердилер. 37 Гадаранын эл-јоны сүрекей коркуганына Иисусты бу јерден кедип барзын деп сурадылар. Иисус кемеге кирип, кайра јүзүп ийди. 38 Өзөк-буурынан кара желбистер чыккан кижини Иисула кожо барарга суранды, је Иисус оны божодып, айтты: 39 - Айлы-јуртына јанып,

Кудай сеге нени эткенин айдыш бар. Онызы барып, Иисус ого кандый көпти эткенин бастыра калага айдып, жарлап жүрди.

Кызычакты тиргискени ле оору келинди жасканы

40 Јерине јанып келерде, ончолоры сакып турган учун, Иисусты көп улус сүүнчилү уткып чыкты. 41 Је бат, Иаир деп кижикелди. Ол синагоганын јааны болгон. Иисустын будынын алдына јыгылып, Оны айлыма кир деп, јайнап сурай берди. 42 Бу кижинин он эки јаш кирелү кара јаныс кызычагы божоп јаткан. Иисус барып јадарда, улус Оны кыстап турды. 43 Улустын ортозында эди-канынан он эки јыл кан келип, шыралап жүрген үй кижикелди. Ол эмчилерди керип, ар-јөөжөзин короткон, је оны кем де јазып болбогон. 44 Је бат, байагы үй кижикелди Иисустын кийнинен базып келип, Онын эдегине тийип ийди; мында ла кан келери токтой берди. 45 - Меге кемигер тийди? - деп, Иисус сурады. Ончолоры тийбедис дешкилеп турарда, Петр ла Иисусла кожо болгондор айдышты: - Уредүчи, улус Сени курчай туруп, кыстап јат. Айдарда, Меге кемигер тийди деп, незин сурайдын? 46 Је Иисус: - Меге кем де тийген, - деди, - Менен күч чыкканын сестим. 47 Уй кижикелди јажырып болбогони билеп, тырлажып базып келеле, Иисустын алдына јыгыла түшти, Ого не керектү тийгенин, канайып ол тарыйынча јазылганын ончо улус алдында Иисуска куучындап берди. 48 Иисус ого: - Кызым, бүдүп турганын сени аргадап алды; амырын алыш, жүре бер - деди. 49 Иисус мынайда айдып турганча, синагоганын јаанынан бир кижикелип, - Кызычагың јада калды, Уредүчини јоботпо - деди. 50 Је Иисус мыны угала, Иаирге айтты: - Коркуба, јаныс бүт, кызычагың аргадалар. 51 Уйге келеле, Петрдан, Иаков ло Иоаннан, база баланын ада-энезинен өскө кижикелди кийдирбеди. 52 Ончо улус ый-сыгытта болгон. Је Иисус айтты: - Ыйлабагар; кызычак өлбөгөн, је уйуктап јат. 53 Иисусты электеп-шооттылар, кызычак јада калганын олар билер болгон. ^Иисус дезе, баланы колынан алала, үнин бийиктедип, айтты: - Кызычак, тур! 54 Баланын тыны ойто

кирип, ол бойынча туруп келди; Иисус кызычакты азыразын деди. 55 Кызычактын ада-энези алан кайкадылар. Не болгонын улуска айтпазын деп, Иисус оларго жакыды.

Он эки үренчигин ийгени

9:1 Иисус он эки үренчигин алдырып, оларго ончо көрмөстөрдин бажын билер, оору-жоболды жазар күч ле жан берди. 2 Кудайдын Каандыны керегинде жарлазын, оору улусты жассын деп, оларды ийип, 3 айтты: - Жолго неме албагар: тайак та, баштык та, калаш та, акча да; артык кийим алып жүрбегер. 4 Кажы бир айылга түшсегер, ол жерден чыкканча, ондо болугар. 5 Слерди кайда жуутпаза, ол каладан барып жада, оларго удур кере-темдек эдип, будыгардан тоозынды кактагар. 6 Уренчиктер барып, журттарды эбирип, кайда ла Сүүнчилү Жар жарлап, оору улусты жазып жүрдилер. 7 Башкаручы Ирод Иисустын эткен керектерин угала, алан кайкады, ненин учун дезе, кезиктери: «Бу Иоанн, ол тирилген»; 8 кажылары: «Илия келген»; өскөлөри: «Жебрен жарчылардын бирүзи тирилген» - дешкен. 9 Же Ирод айткан: «Иоаннын бажын мен кезип койгом; бу мындый кайкамчылу керектерди кем эдет болбогой?» Иродтын Оны көрөр күүни келип турган.

Беш мук кижини тойдырганы

10 Апостолдор жанып келеле, нени эткендерин Иисуска куучындап бердилер; Иисус оларды жагыс бойлорын алганча, Вифсаида дейтен кала жаар жүре берди. 11 Же калык билип, ээчий барды; Иисус оларды жуудып алып, оларло Кудайдын Каандыгы керегинде эрмектешти, эмдеерин керексиген улусты жасты. 12 Энир кирип бараткан; он эки үренчик Иисуска базып келип, айттылар: - Улусты божот, олар эбире жаткан журттарга барып, конор-түнеер жер ле жиир курсак таап алзын, бу дезе, аалга жер эди. Же Иисус: 13 - Оларды слер азырагар - деди. - Бисте беш болчок калаштан ла эки болчок балыктан өскө неме жок - деп, үренчиктер каруузын жандырды. - Айса барып, бу

улустын ончозына курсак садып алалы ба? 14 Анда беш мун кире кижиге болгон. - Улусты беженнен јергелей отургызыгар - деп, Иисус оларго јакыды. 15 Уренчиктер мынайда эдип, улусты отургызып ийдилер. 16 Иисус беш болчок калашты ла эки болчок балыкты алды, тенери өрө көрөлө, оларды алкады, сындырала, улуска үлезин деп, үренчиктерге берди. 17 Ончолоры јиди, тойды; јигеннин артканын он эки каламага јууп алдылар.

Иисус кем?

18 Бир катап Иисус јаныскандыра мүргүп турарда, Ого үренчиктери келди. Иисус олардон сурады: - Улус Мени кем деп бодойт не? 19 Уренчиктер каруузын јандырдылар: - Сени Крестеечи Иоанн дешкилейт, кезиктери - Илия; кезиктери јебрен јарчылардын бирүзи тирилген дейдилер. 20 Иисус сурады: - Слер Мени кем деп бодойдоор? Петр: - Сен - Кудайдын Христосы - деди. 21 Је Иисус бу керегинде кижиге неме айтпазын деп кату јакарала, 22 айтты: - Кижиге Уулы көп кыйналар учурлу, улулар, улу абыстар ла бичикчилер Оны јектеп салар, Оны өлтүргилеп койор, үчинчи күнде дезе, Ол тирилип турар учурлу. 23 Онон Иисус ончолорына айтты: - Мени ээчий барайын дегенигер, бойын бойы јеерип, бойынын кере тартыратан агажын кажы ла күн алып јүрзин - ол тушта Мени ээчип јүрер аргалу. 24 Тынын аргадаайын дегени, онызын јылыйттар. Меге болуп тынын јылыйтканы, онызын аргадап алар. 25 Кижиге јер-телекейди ээленип алала, је бойын јылыйттып салза эмезе бойына каршу этсе, ого не туза? 26 Кем Менен ле Менин сөзимнен уйалар болзо, Мен, Кижиге Уулы, Бойымнын магымды, Аданын ла агару ангелдердин магын алганча келзем, ол кижиден уйаларым. 27 Чынын айдадым слерге: мында турган улустын кезиге Кудай Каандыгын өлгөлөктө көрөр.

Иисустын кубулганы

28 Мынайда айтканнын кийинде, сегис күннин бажында Иисус

Петрды, Иоанн ла Иаковты алганча, мўргўўрге тууга чыкты. 29 Ол мўргўп турарда, чырай-бўдўжи кубулды, кийими агарып, мызылдай берди. 30 Же бат, Иисусла эки эр эрмектеже берди; озор Моисей ле Илия болгондор. 31 Тенеринин магыла жаркындалганча келип, озор Иисустын Иерусалимде бўдўретен керектеринин учын куучындажып тургандар. 32 Петр ла оныла кожо болгон улус уйкуга жыга бастырып салгандар, же ойгонгылап келеле, Иисустын магынын жаркынын, Ого коштой эки эр турганын кўрўп ийдилер. 33 Байагы улус барарга жадарда, Петр Иисуска айтты: - Уредўчи, биске мында макалу! Уч чадыр тудалы: бирўзин Сеге, бирўзин Моисейге, бирўзин дезе - Илияга. Нени айдып турганын ол бойы да билбес болгон. 34 Айдып турганча, булут чыгып, озорды кўлўткўлўп ийди; булутка кирген бойлоры, коркый бердилер. 35 Булуттан ўн угулды: - Бу Менин Уулым, Менин талдап алганым; Оны уугар. 36 Ун угулбай барарда, Иисус ойто жангыскан артты. Уренчиктер мыны жажытта тудуп, нени кўргўндўрин ол кўндерде кемге де айтпадылар.

Кара желбиске туттурган уулчакты жасканы

37 Эртезинде озор туудан тўшкўлеп келерде, Иисусты кўп улус уткуп чыкты. 38 Кенетийин улус аразынан бир кижиде: - Уредўчи! - деп, кыйгырып ийди. - Сеге жайнап, сурап турум, менин уулымды келип кўр! Ол менин сок жангыс уулым болор! 39 Желбис оны туткактаганда, ол кенетийин кыйгырып баштайт, тытпактадып, оозынан кўбўги ажынып турат; желбис уулымды табы жок кыйнайла, арайдан айрылат. 40 Желбисти уулымнан чыгарсын деп, ўренчиктеринди айбылагам, же озор болуп албады. 41 Иисус: - О, бўтпес, жўй ўйе! - деди. - Слердин ортогордо канчазын жўрейин? Слерге канчазын чыдажайын? Уулынды бери экел! 42 Уулчак келип жадарда, желбис оны жерге жыга базып, калтырада берди; же Иисус кара желбисти токтодып, уулчакты жазала, адазына берип ийди. 43 Кудайдын кўчин ончолоры кайкажып турдылар. Ончо улус Иисустын эткен керектерин кайкагылап турарда, Ол Бойынын

үренчиктерине айтты: 44 - Айтканымды лаптап угугар: Кижини Уулы кижини колына берилер. 45 Же Иисус нени айтканын олар ондободылар, бу сөстөр оларго туйук болуп, онын учурын аайлабадылар; сурап угарга десе, коркуп тургандар.

Кем улу-жаан?

46 Кемизи улу-жаан деп, үренчиктер ортодо блааш-тартыш болгон. 47 Иисус десе, олардын жүрегинде алып жүрген сагыжын билип, жаш баланы колго алып, Бойынын алдына тургузып, 48 айтты: - Менин адымда бу баланы бойына жуудып алганы, Мени жуутканы ол; Мени жуутканы десе, Мени Ийгенди жуутканы ол. Слердин ортогордо эн кичүгер, улу болоры ол. 49 Айдарда, Иоанн айтты: - Уредүчи! Сенин адынды адап, кара желбистерди чыгарып турган кижини көрдибис; ол бисле кожо жүрбей турган учун, оны токтодып салдыс. 50 Иисус: - Токтотпогор оны - деди. - Слерге кем удур эмес, ол слер учун.

Иерусалим жаар барган жолдо

51 Онын тенериге көдүрилер күни једип келерде, Иисус Иерусалим барар деп шүүп, 52 Бойынын алдынан элчилер ийди; олар Иисуска керектү не-немени белетеп койорго, бир самар јуртка келдилер. 53 Иисусты бу јуртта жуутпадылар, ненин учун десе, Ол Иерусалим жаар барып јаткан. 54 Мыны көрөлө, үренчиктер Иаков ло Иоанн айттылар: - Бий! Күүнин бар болзо, тенериден от түжүп, буларды өртөп салзын деп айдалы ба? 55 Же Иисус олар жаар бурулып, оларды токтодып койды. [- Кандый тынду эдигер, бойыгар билбей јадыгар - деди. - 56 Кижини Уулы десе, кижинин тынын кыйарга келген эмес, аргадаарга келген.] Айдарда олар өскө јуртка бардылар.

Иисусты ээчий канайып барар?

57 Јолой бир кижини Иисуска айтты: - Сен кайдаар барзан, Сени ээчий

барарым. 58 Иисус ого айтты: - Түлкү болзо, ичегендү, куш болзо, уйалу; Кижиге Уулынын дезе, бажын салар јери јок. 59 Иисус өскө кижиге айтты: - Мени ээчий бар. Онызы: - Бийим! - деди. - Мен озо адамнын сөөгин тудуп саларга барып келейин бе? 60 Је Иисус ого айтты: - Өлгөн улус өлгөндөринин сөөгин бойлоры тутсын; сен дезе барып, Кудай Каандыгынын Сүүнчилү Јарын јарла. 61 База бир кижиге айтты: - Бийим! Мен Сени ээчий барарым, је озо барып, айылдагы улусла јакшылажып алайын ба? 62 Је Иисус ого айтты: - Салдага колын салала, кайра ајыктанып турган кижиге, Кудай Каандыгына ижемјизи јок.

Јетен эки үренчигин ийгени

10:1 Онын кийинде Бий база јетен эки үренчик талдап алды. Бойы барарга санашан ончо калалар ла јурттар сайын оморды Бойынын алдынан экиден ийип, 2 айтты: - Кезер аш көп эди, ишчилер дезе, ас; Бойынын кыразына ишчилер ийзин деп, кыранын Ээзине эреп-јайнагар. 3 Баргылагар! Бөрүлердин үүрине кураандарды ийгендий, Мен слерди ийип јадым. 4 Таар да, баштык та, өдүк те албагар, јолдо улусла эзендешпегер. 5 Кажы бир айылга кирзегер, озо баштап: «Бу айылга амыр!» дегер. 6 Анда амырдын кижизи бар болгожын, амырыгар ого једер; јок болгожын, бойыгарга бурулар. 7 Ол айылда артып, бары-јогын ичип-јигер, ненин учун дезе, иштеп јүрген кижиге ижи учун кайралын алар учурлу. Айылдан айылга көчүп јүрбегер. 8 Кажы бир калага келзегер, слерди јуудып алып, неле күндүлезе, оны јшер; 9 андагы оору улусты јазып, «Кудайдын Каандыгы слерге јууктап келди!» деп, оморго айдыгар. 10 Кажы бир калага келзегер, слерди јуутпаза, оромго чыгала, айдыгар: 11 «Слердин калагардан будыбыска јапшынган тоозынды да слерге кактап турубис. Андый да болзо, Кудай Каандыгы слерге јууктап келгенин билип јүрүгер!» 12 Айдып турум слерге: бу калага көрө, ол күн Содомго јенил болор! 13 - Ачу-корон сеге, Хоразин! Ачу-корон сеге, Вифсаида! Слерде эдилген күчтер Тир ле Сидондо эдилген

болзо, озор кинчектерин алынганнын темдеги эдип, самтар кеп кийип, баштарына күл сееп, туку качан Кудайга баштанар эди. 14 Онын учун Јаргы тужында Сидон ло Тирге слерге көрө јенил болор. 15 Сен де, Капернаум, тенериге јетире бийиктедиетен бойын, таамыга јетире јабызарын. 16 Слерди угуп турганы, Мени угуп јат, слерди јектеп турганы, Мени јектеп јат; Мени јектеп турганы дезе, Мени Ийгенди јектеп јат. 17 Јетен эки үренчик сүүнчилү јанып келеле, айттылар: - Бий, Сенин адынды адап јакарганыста, јелбистер де биске багып турдылар! 18 Иисус айтты: - Көрмөс јалкын чышап тенериден келип түшкенин көрдим. 19 Бат, слерге Мен јыландардын ла скорпиондордын үстине базар, өштүлерди јенер јан берип јадым; слерге не де каршузын јетирип болбос. 20 Је јелбистер слерге багып турганына сүүнбегер; ады-јолыгар тенериде бичилгенине сүүнигер! 21 Бу тужында Иисус Агару Тыннан сүүнчи алып, айтты: - Ада, тенери ле јердин Бийи! Сеге алкыжым, ойгор сагыштулардан ла керсүлерден мыны јажырып, кичүлерге ачканын учун. Эйе, Ада, јакшылыкту табын андый болгон эди. 22 Адамнан ончозы Меге берилген; Уулы кем болгонын Адазынан өскө кем де билбес; Уулынан өскө Адазы кем болгонын кем де билбес; анайда ок Уулы кемге ачар күүндү, ол билер. 23 Иисус онон үренчиктерине бурульш, озорго анылап айтты: - Слердин көрүп турганыгарды көргөн көстөр кежиктү! 24 Айдып турум слерге: слердин көрүп турганыгарды көп јарчылар ла каандар көрөйин дейле, көрүп болбогон; слердин угуп турганыгарды угайын дейле, угуп болбогон.

Быйанду самар керегинде

25 Бир јасакчы өрө туруп, Иисусты ченеп, сурады: - Уредүчи, мөнкү конокту болорго, нени эдейин? 26 Иисус онон сурады: - Јасакта не деп чийилген? Онон сен нени кычырдын? 27 Байагы кижии каруузын јандырды: - «Бийди, бойыннын Кудайынды, бастыра јүрегинле, бастыра тын-јуланла, бастыра күчинле, бастыра сагыжынла сүүгин». База: «Бойынды сүүгендий, јуугынды сүүгин». 28 Иисус

ого айтты: - Айтканын жолду; анайда ла кылынып жүр, жүрүм жүрерин. 29 Же ол актанайын деп, Иисустан сурады: - А менин жуугым кем? 30 Иисус каруузын жандырып, айтты: - Бир кижини Иерусалимнен Иерихон жаар барадала, тонокчыларга туттурган; тонокчылар оны жыланаштап, жарым тындуга артырала, сала бергендер. 31 Ол жолло бир абыс бараткан. Оны көрөлө, көндүрө өдө берген. 32 Анайып ок бир левит ол жерге келип, көрөлө, көндүрө өдө конгон. 33 Кандый да самар кижини десе, жортуп барадала, оны көрүп, ичи ачыган. 34 Базып келеле, шырказын аракыла жунуп, майла сүртеле, танып берген; бойынын эштегине миндиреле, айылчы түжер үйгө экелип, оны кичееген. 35 Эртезинде атанар башта эки динарий чыгарып, үйдин ээзине берип, айткан: «Бу кижини кичее; артык акча коротсон, бурулзам, төлөп берерим». 36 Тонокчыларга учураган бу кижинин жуугу ол үчүнийн кажызы болгон деп сананып турун? 37 Жасакчы: «Ого быйаны жеткени» - деди. Айдарда, Иисус айтты: - Бар, сен де анайда эдип жүр.

Мария ла Марфа

38 Жолдо барадып, Иисус бир журтка келди; анда Марфа деп бир үй кижини Оны айлына кычырды. 39 Марфада Мария деп сыйын болгон; ол Иисустун будынын жанына отуруп, Онын сөзүн тындап турган. 40 Марфа десе, жаан күндү-күрөө эдерге кичеенип, базып келеле, айтты: - Бийим, сыйным ончо ишти меге жондоп бергенин көрбөй турун ба? Сыйнымды меге болушсын дезен? 41-42 Иисус десе, ого каруузын жандырды: - Марфа! Марфа! Сен көпти эдерге кичеенип, шакпырап жадын, же жүк жагыс неме керек. Мария десе, жакшылыкту үлүүзүн талдап алды, оны кем де айрып болбос.

Канайда мүргүйтени керегинде

11:1 Иисус бир жерде мүргүп турган. Мүргүп божоордо, үренчиктеринин бирүзи Ого айтты: - Бий, Иоанн бойынын үренчиктерин үреткени чилеп, бисти мүргүүрге үреткин. 2 Иисус

олорго айтты: - Мүргүп турганыгарда, мынайда айдыгар: «Ада! Адын Сенин агару болзын! Каандыгын Сенин келзин! 3 Биске керектү калашты күнүн сайын берип тургын. 4 Канайып кажызынын ла жаманын таштайдыс, анайып бистин кинчектеристи таштагын. Jetкерге бисти кийдирбегин». Суранып жүрген најы керегинде 5 Иисус онон айтты: - Слердин кажы бирүгерде најы бар болзын. Түн аразында слер ого келип, мынайда айткан болдыгар: «Најым, меге төлүге үч болчок калаш бер. 6 Айлыма јолго жүрген најым түшти, оны азыраар курсак јок». 7 Слерге ол мынайда айтпай кайтсын: «Мени түйметпе! Эжигим бөктү, балдарым мениле кожо орында јаткылары; туруп, сеге берип болбозым». 8 Айдып турум слерге: најы болгон адында, ол туруп, калашты бербезе де, турумкай болзогор, ого туруп, нени сураганаарды ончозын алып берерге келижер. 9 Мен де айдып турум слерге: сурагар - слерге берилер, бедирегер - таап аларыгар; токулдадыгар - слерге ачып бергилеер. 10 Сураган кижии - алып јат, бедиреген кижии - таап јат, токулдаткан кижше - ачып бергилейт. 11 [Уулы калаш сурагажын, ого таш алып берер ада слердин ортогордо табылар ба?] Балык сурагажын, балыктын ордына ого јылан алып берер? 12 Јымыртка сурагажын, ого скорпион алып берер? 13 Слер, кородоп калган бойыгар, балдараарга јакшыны берерин билер болзогор, анчада ла Тенеридеги Адагар сураган кижиге Агару Тынды берер!

[Иисус па айса Веельзевул ба?](#)

14 Бир катап Иисус тил јок көрмөсти чыгарган; көрмөс чыгарда, тил јок кижии эрмектене берген, калык алан кайкаган. 15 Кезик улус айдышты: - Көрмөстөрди Ол көрмөстөрдин бийи - Веельзевулдын күчиле чыгарып јат. 16 Кажылары Иисусты ченеп, тенериден билди көргүссин деп некеп турдылар. 17 Је Иисус олардын ичиндеги сагыжын билип, айтты: - Бөлүнип, өштөшкөн-өөркөшкөн каан јурты ээн калар; бөлүнип, өштөшкөн-өөркөшкөн биле јайрадылар. 18 Көрмөс бөлүнип, өштөжип-өөркөшсө, онын каандыгы турар бедеи?

Слер дезе, Мени көрмөстөрди Веельзевулдын күчиле чыгарып жат дейдигер. 19 Мен Веельзевулдын күчиле көрмөстөрди чыгарып турган болзом, слердин уулдарыгар кемнин күчиле чыгарып жат? Онын учун олор слердин жаргычыгар болор. 20 Же Мен көрмөстөрди Кудайдын күчиле чыгарып турган болзом, Кудайдын Каандыгы слерге жеткени бу туру. 21 Күчтү кижиде мылтык-жепсел тудунып, айылын каруулдаза, онын жөөжөзи бүдүн болор; 22 байагы кижиге онон күчтү кижиде табарза, оны жеңдеп, ижешен жепселин айрып, жөөжөзин үлөп берер. 23 Мениле эмези, Меге удура болгоны ол; Мениле жуубаганы, кородоры ол. 24 Кара желбис кижинин өзөк-буурынан чыкканда, энчү бедиреп, суу жок жерлерде тенип жүрөт; таппай салала, «Бойымнын айлыма ойто жанатам» деер. 25 Жанып келзе, айлынын ичин сибирип, жуунадып койгон болор; 26 айдарда, ол барып, бойынан казыр база жети желбисти ээчиткенче келип, кижинин өзөк-буурына кирип, кожо журтай бергилейт. Байагы кижиге калганчызы башкызынан коомой болор. 27 Иисус мыны айдып турарда, улус аразынан бир үй кижиде үнин бийиктедип: - Сени алып жүргөн карын, Сени эмискен эмчек жежиктү! - деди. 28 Же Иисус айтты: - Кудайдын сөзүн угуп, чекчилеп жүргени жежиктү! 29 Улус көптөн жуулыжып турарда, Иисус айда берди: - Кал, кинчектү үйе бу; ол билдилер бедиреп жат. Же Ионанын билдизинен өскө, ого билди берилбес. 30 Канайып Иона Ниневиянын калыгына билди болгон, анайып Кижиде Уулы да бу үйеге билди болор. 31 Жаргы болор Күн түштүктин абакай-кааны бу улусла кожо туруп, оларды бурулаар, ненин учун дезе, ол Соломоннын ойгор куучынын угарга, жер куйузынан келген; же бат, мында Турганы Соломоннон жаан. 32 Ниневиянын улузы бу үйеле жаргылажып, оны бурулаар, ненин учун дезе, Ионанын жарлыктаганын угала, олар кинчегин алынып, жүрүмин кубулткан; же бат, мында Турганы Ионадан жаан. 33 Жарыткышты камысканда, оны туйук жерге эмезе табак алдына тургуспайтан; үйге кирген улус жарыкты көрзин деп, иле жерге тургузатан. 34 Эт-каннын жарыткыжы - көс; көзин ару болзо, ончо эди-канын да жарык болор; көстөн коомой болзон, эди-канын да

карачкы болор. 35 Ажыктап көр: ичиндеги жарык карачкы болуп калбазын! 36 Эди-канын ончо жарык болзо, карачкы жери жок болзо, жарыткыш жарыгы сени жарыткандый, ончо бойын жарык болор.

Фарисейлер ле жасакчылар керегинде

37 Айдып божоордо, Иисусты бир фарисей айлына аш жиирге кычырды; Иисус келип, кыйын жатты. 38 Ажанар алдында Ол колын јунбаганын көрөлө, фарисей кайкай берди. 39 Је Бий ого айтты: - Слер, фарисейлер, аяк-казанаардын тыштын арчып жадыгар, ичигер дезе, тоношло, ачынышла толо. 40 Керсү эместер! Тыштын бүдүрген Бойы, ичин де бүдүрген эмес пе? 41 Ичеерде не барынан тиленип алган неме эдигер, ол тужында слерде ончозы ару болор! 42 Је слерге, фарисейлер, ачу-корон! Слер мята, рута деген ле өскө дө өзүмдердин онынчы үлүүзин берип жадыгар, је Кудайдын жаргызын ла сүүжин туура эдип жадыгар: мыны да эдер, оны да артырбас керек. 43 Слерге, фарисейлер, ачу-корон! Слер синагогаларда төрдө отуарын, тепсендерде уткударын јакшызынып жадыгар. 44 Слерге ачу-корон! Слер көскө илинбес, сөөк салган јер ошкожыгар: улус онызын билбей, үстиле базып жүргүлейт. 45 Јасакчылардан кем де Иисуска айтты: - Бу сөзинге Сен бисти база тарындырып жадын. 46 Је Иисус айтты: - Јасакчы слерге де ачу-корон! Улуска слер апарып болбос уур жүктер артып бередигер, бойыгар дезе, ологго сабарыгардын бирүзин де тийгиспейдигер! 47 Слерге ачу-корон! Слер јарчылардын сөөгине кереестер тудуп жадыгар, оорды дезе, адаларыгар өлтүрген! 48 Онызыла слер адаларьнардын эткен керегин јаадып турганыгарды керелейдигер: адаларьнар јарчыларды өлтүрген, слер дезе, тудуп жадыгар. 49 Онын учун Кудайдын Ойгоры айткан: «Ологго јарчылар ла апостолдор ийерим; оордын кезшин өлтүргилеер, өскөзин - истежер. 50 Телекей бүдерден ала төгүлген јарчылардын каны бу үйеден некелзин: 51 Авельдин канынан ала тагыл ла Öргөө ортозында өлтүрткен Захариянын канына јетире». Эйе, айдып турум слерге: бу үйеден

некелер! 52 Слерге, јасакчыларга, ачу-корон! Слер билгирдин јүлкүүрин алып алганыгар: ого бойыгар да кирбейдигер, кирейин деген улуска да буудак эдешер. 53 Иисус јүре берди. Онон ло бери бичикчилер ле фарисейлер Иисуска ачынып, Ого көп сурактар берип, 54 Оны бурулаарга, айткан сөзинен јик табарга, умзанып турдылар.

12:1 Ол өйдө түмен үлус јуулып, кысталыжып турарда, Иисус озо үренчиктерине айдып баштады: - Фарисейлердин ачыткызынан чеберлешнер, онызы опту болоры. 2 Ачылбай калар туйук неме јок, јарталбай калар јажыт јок. 3 Онын учун карачкыда айтканьгар, жарыкта угулар, айыл ичинде кулакка айтканьгар, айылдын жабынчызынан јарлалар.

Кемнек коркыйтан

4 - Слерге, најыларыма, айдып турум: кем эт-канды өлтүреле, өскө нени де эдер аргазы јок болзо, онон коркубагар; 5 је кемнен коркыйтанын слерге айдып берейин: кем өлтүреле, таамыга тўжүрер јангы бар, онон коркугар. Эйе, айдып турум слерге: онон коркугар! 6 Беш болчок кичинек кучыйакты эки оок јес акчага садатан эмес беди? Је Кудай олордын бирүзин де ундыбаган. 7 Слердин дезе, бажыгардын кылы да ончозы тоололып калган. Анайдарда, коркубагар, слер көп кучыйактардан баалу эдигер! 8 Айдып турум слерге: Мени јарадып турганын кем улус алдына јажырбай айтса, Кижин Уулы оны јарадып турганын Кудайдын ангелдери алдына айдар. 9 Улус алдында кем Менен јана тўшсе, Кижин Уулы Кудайдын ангелдери аддында байагы кижиден јана тўжер. 10 Кижин Уулына кем удур айтса, онын бурузы ташталар, је Агару Тынды кем јамандап айтса, онын бурузы ташталбас. 11 Слерди синагогаларга, јамылуларга ла јандарга алып келгежин, бойысты канайда корулаарыс, нени айдарыс деп санааркабагар. и Агару Тын ол тушта нени айдарына слерди үредер.

Бир бай керегинде

13 Улустын ортозынан бир кижини Иисуска айтты: - Уредүчи, карындажыма айт, энчини мениле үлөшсин деп. 14 Иисус ол кижите: - Слерди жаргылап, энчигерди үлөштирер жан-тапты Меге кем берген? - дейле, 15 калыкка баштанды: - Неме жуурынан чеберленигер, - кижинин жүрүми жөөжөдөн, онын элбегинен камаанду эмес. 16 Онон укаа сөс айтты: - Бир бай кижинин кыразында жакшы аш бүткөн. 17 «Эм канайдайын? - деп, ол сананган. - Ажымды урар жерим жок». 18 Онон айткан: «Мынайда эдедим: анбарларымды оодып, онон жаандарын тудадым, ончо ажымды, бар жөөжөмди ого жууп саладым. 19 Онон жулама айдадым: „Жула! Белетеп алган курсагын, жөөп алган байлыгын узак ойгө жедер: амыра, ичип-жи, жырга"». 20 Же Кудай ого айткан: «Сананбас! Бу түнде жуланды алып баргылаар; белетеп алганын кемге жедижер?» 21 Кудайга байыбай, бойына байлык жууган кижиле андый болуп жат.

Жүрүмеерди кичееп санааркабагар

22 Иисус үренчиктерине айтты: - Онын учун айдып турум слерге: жүрүмеерди кичееп, нени жиирис, эди-каныгарды кичееп, нени кийерис деп санааркабагар. 23 Жүрүм курсактан баалу, эт-кан кийимнен баалу. 24 Кускундарды көрүгөр: олар аш чачпай жат, аш кеспей жат, жөөжө сугар жери де жок, анбарлары да жок, же Кудай оларды азырап жат. Слер десе, куштардан чик-жок артык эмес бедигер? 25 Слердин кемигер де болзын, кичеенип, жүрүмин бир де саатка узадып болор бо? 26 Асты да болзо, бойыгарга эдип болбозыгарда, өскөзин не кичееп жадыгар? 27 Чомур чечектерге көрүгөр, олар канайда өзүп турганын: олар иштебей жат, иирбей жат; же айдып турум слерге: керек десе Соломон до бойынын бастыра магында олардын бирүзи де чилеп кийинбеген. 28 Бүгүн өзүп, эртен отко ташталатан жаланнын өлөнгин Кудай анайда кийиндирип турган да, слерди онон артык кийиндирер эмес пе, бүтпестер! 29 Нени

јиирис, нени ичерис дебегер, ого санааркабагар. 30 Мынын ончозын бу телекейдин улузы бедиреп јат; бу ончо неме слерге керек болгонын Адагар билер. 31 Элден озо Кудайдын Каандыгын бедирегер, артканы слерге берилер. 32 Коркуба, ас үүр! Слерге Каандык берери - Адагардын јакшылык күүни андый. 33 Јөөжөгөрди садып, быйан эдип жүрүгер. Элебес акчакап белетеп алыгар, коробос байлыкты тенериде јөөгөр, - ого уурчы једип албас, оны күйе јибес; 34 јөөжөгөр кайда, жүрегеер де анда болор.

Белен болугар

35 - Белигер курлу болзын, јарыткыштарыгар күйүп турзын. 36 Бийи тойдон келеле, эжикти токулдаткажын, тургуза ла ачып берерге сакыган кижидий болугар. 37 Бийи јанып келеле, кулдары ойгу болгонын көргөжин, байагы кулдардын жежиктү болгоны ол. Чынын айдадым слерге: ол курчанып, кулдарын отургызып, базып келип, оморды бойы күндүлеер. 38 Түннин үч те аразында, тан алдында да келип, кулдары ойгу болгондорын көрөр болзо, ол кулдар жежиктү. 39 Уурчы качан келерин айыл ээзи билген болзо, ойгу болуп, айлынын төзин кастырбас эди деп, слер билеригер. 40 Слер де белен болугар: Кизи Уулы слер сакыбаган өйдө келер. 41 - Бий! Бу укаа сөсти јангыс биске айдып турун ба, айса ончо улуска ба? - деп, Петр Исустан сурады. 42 Бий айтты: - Јалчылардын бажын билип, оморго өйинде курсак берип турзын деп, бий көстөгөн бүдүмјилү ле керсү айыл башкараачы кем? 43 Бийи келип, кулы анайда эдип жүргенин көрөр болзо, ол кул жежиктү. 44 Чынын айдадым слерге: оны ар-јөөжөзи учун каруулу эдер. 45 Је ол кул ичинде: «Бийим бачым келбес» - деп сананала, јалчыларды, јалчы кыстарды согуп, ичип-јип, аракыдап јатса, 46 ол кулдын бийи сакыбаган күнде, сананбаган өйдө келер, оны бойынан кезе чабар, онын салымы бүтпес улустын салымындый болор. 47 Бийинин табын билип, белен эмес болгон, онын табыла этпеген кул көп соктурар; 48 билбей жүрүп, каруузына турар буруга калганы, ас

соктуар. Кемге көп берилген, оноң көп ок некелер, кемге көп бүүдүмжилелген, оноң көп ок суралар. 49 Мен жерге от түжүрерге келгем, ол күйзин деп, күүнзеп турум! 50 Мен креске түжүп, крестелер учурлу; оны сакып, кыйналып турганымды! 51 Мени жерге энчү экелерге келген деп туругар ба? Жок! - деп, айдып турум слерге. - Бөлүштирерге келгем! 52 Мынан ары үйде беш кижин болзо, олар бөлүнижер: үчүзи - экүзине удур болор, экүзи - үчүзине удур болор. 53 Адазы уулына, уулы адазына удур болор; энези кызына, кызы энезине удур болор; кайын энези келдине, келди кайын энезине удур болор. 54 Калыкка дезе, айтты: - Күнбадыштан булут чыгып келгенин көрзөгөр, ол тарыйын: «Жанмырлаар» - дейдигер; айтканаарча болуп жат. 55 Түштүк салкын соккондо, «Изү болор» дейдшер, айтканаарча болуп жат. 56 Оптулар! Жерге ле тенериге көрүп, жылдын ойин билип жадыгар, эм кандый ой келгенин дезе, билип болбойдыгар ба? 57 Чын дегенди билип аларга, бойыгарды бойыгар не жаргылабайдыгар? 58 Жамандашкан кижинге жаандарга барып жатканда, жолой оныла жаражарга, эптежерге кичеен; сени ол жаргычыга алып барбазын, жаргычы сени түрменин ишчизине берип ийбезин, онызы дезе, сени түрмелеп койбозын. 59 Айдып турум сеге: калганчы оок акчанды бербейинчен, оноң чыгарын жок туру.

Кинчегин алынары керегинде

13:1 Бу өйдө Иисуска бир кезик улус келип, Öргөдө Пилатка өлтүрткен Галилейдин улузы керегинде куучындап бердилер. Пилат олардын канын тайыш жаткан тындуларынын каныла колыштырган. 2 Иисус айтты: - Бу улус Галилейдин өскө улузынан көп кинчектү учун оларло андый болгон деп сананып туругар ба? 3 Жок деп, айдып турум слерге! Же жүрүмигерди кубултпазагар, ончогор анайып ок өлүп каларыгар! 4 Силоамдагы бакана антарыларда, ого баспактадып өлгөн он сегис кижин, Иерусалимде журтаган улустан ончозынан көп төлүлү болгон деп сананып туругар ба? 5 Жок деп, айдып турум слерге! Же жүрүмигерди кубултпазагар, ончогор анайып

ок өлүп каларыгар. 6 Онон мындый укаа сөс айтты: - Бир кижинин виноград өскөн садында смоква агаш болгон. Ол бу агаштын жиелегин терерге келеле, неме таппаган. 7 Айдарда, бойынын ишчизине айткан: «Бат, бу агаштан жиелек алайын деп, үчинчи жыл келип жадым, же бедиреп таппай турум; оны ары кезип сал, жерди туза жок этпезин». 8 Же онызы каруу жандырып, айткан: «Бийим, быжылча тургай; мен оны күбүредип, өтөк төгүп салайын. 9 Эзенде жиелек берер болор бо; бербезе, кезип койгойын».

Суббот күнде кижини жазары

10 Суббот күн синагогалардын бирүзүндө Иисус үредип турган. 11 Анда жоболдын көрмөзине туттурала, он сегис жыл жобоп жүргөн уй кизи болгон; ол корчойып калган, арка-сыны түзелбейтен. 12 Иисус оны көрүп ийеле, Бойына кычырыш алыш, - Уй кизи, оору-жоболдон сен айрылып жадын - дейле, 13 ого колын салды. Уй кизи ол бойынча түзелип, Кудайды алкай берди. 14 Иисус суббот күнде жасканына синагоганын жааны кородоп, улуска айтты: - Иш эдетен алты күн бар; жазыларга ол күндөрдө келип туругар, суббот күнде келбегер. 15 Же Бий айтты: - Оптулар! Слердин кемшер де болзын, суббот күнде чарын эмезе эштегин чечип, сугарарга апарып жат па? 16 Авраамнын бу кызын көрмөс туку он сегис жыл күлүдө туткан; суббот күнде күлүзүн чечип, оны жайымдаарга жарабас па? 17 Бу сөстөрдүн кийинде Иисуска удурлашкан ончо улус кемзине берди; калык Онын мактулу керектерин көрүп, сүүнижип турды.

Кудайдык Каандыгы керегинде

18 Иисус айтты: - Кудайдын Каандыгы неге түнөй, Оны неге түндөп айдайын? 19 Ол оп-оок үренге түнөй. Оны кизи алып, садында отургускан. Ол өзүп, жаан агаш болуп калган; тенеринин куштары онын будактарына уя тарткан. 20 Иисус база айтты: - Кудайдын Каандыгын неге түндөп айдайын? 21 Ол ачыткыга түнөй. Уй кизи оны алып, үч кемжү кулурга саларда, ой өдүп, ончозы ачып калган.

22 Иисус калаларга ла журттарга табарып, үредип турды; Ол Иерусалим бараткан. 23 - Бий, аргаданып тургандар ас беди? - деп, бир кижги Иисустаң сурады. Иисус дезе, ологго айтты: 24 - Тар эжиктен кирерге күүренетер; айдып турум слерге: көп улус кирейин де дезе, ого кирип болбос. 25 Айыл ээзи туруп, эжигин бөктөп ийзе, слер тыштында туруп, эжикти токулдадып: «Бий, биске ач!» - деп жайнаарыгар. Же ол слерге айдар: «Слерди билбезим, кайдан келген улус». 26 Ол тушта слер айдынарыгар: «Бис Сениң алдында ичкен-жиген эдис; Сен бистинг оромдорыста үреткен». 27 Же ол слерге айдар: «Слерди билбезим, кайдан келген улус; жаман кылынып жүргендер, ончогор менен кезде тайылыгар!» 28 Авраам, Исаак, Иаков ло ончо жарчылар Кудайдын Каандыгында жүргендерин, бойыгар дезе, чыгара сүрдүрип ийгенеерди көрөригер. Анда ый-сыгыт, тиш кыжырти болор. 29 Күнчыгыштан ла күнбадыштан, түндүктен ле түштүктен келгилеп, Кудай Каандыгында кыйын жаткылап алар. 30 Эмди калганчы болгон кижги, баштапкы болор, баштапкы болгоны, калганчы болор.

Иерусалим керегинде сыгыт

31 Ол күн бир кезик фарисейлер келип, Иисуска айттылар: - Чыгып, мынан ырбап бар, Ирод Сени өлтүрер күүндү. 32 Иисус ологго каруузын жандырды: - Барып, ол түлкүге айдыгар: «Бат бүгүн ле эртен көрмөстөрди чыгарарым, оору-жоболды жазарым, үчинчи күнде дезе, керегимди туузылтарым. 33 Же бүгүн, эртен ле сонзуун Мен жолдо болор учурлу, ненин учун дезе, жарчы Иерусалимнен өскө жерде өлтүртер аргазы жок». 34 Жарчыларды өлтүрөөчи, ого ийилген улусты ташла шыбалаачы Иерусалим, Иерусалим! Балдарын канады алдына жууган куш чылап, сенин балдарынды Мен канча катап жуунадайын дебедим, же слер болбодыгар! 35 Бат, эмди слердин айлыгар ээн артып жат! Айдып турум слерге: өй једип, «Бийдин адында Келеткени алкалу!» - деп айтпаганчар, Мени көрбөзигер.

Иисус фарисей-эште

14:1 Бир катап суббот күнде Иисус фарисей бийдин айлына кирип, аш јиди; Оны кетежип турдылар. 2 Је бат, Иисустын алдында суулу оорудан шыралап јүрген кижии. 3 Иисус јасакчыларга ла фарисейлерге баштанып, айтты: - Суббот күнде улус эмдеерге јараар ба? 4 Олор унчугышпадаы. Иисус оору кижиге тийип, оны јазала, јандырып ийди. 5 Олорго дезе айтты: - Слердин кажы бирүтердин уулыгар эмезе чарыгар кутукка түшкежин, оныгарды суббот то күнде ол тарый чыгарып албас бедигер? 6 Олор нени айдарын билбей турдылар. 7 Айтырылган улус бойларына баштапкы јерлер талдап тургандарын ајарып, олорго укаа сөс айтты: 8 - Кем сени тойго кычырза, төргө өдүп кыйын јатпа; айтырылган улус ортодо сенен күндүлү кижии бар болуп калбазын. 9 Оны да, сени де айтырган кижии базып келип, сеге: «Бу јерди ол кижиге божот» дебезин. Ол тушта сеге бу мынын уяадына чыдабай, эжиктин јанына барып, кыйын јадарга келижер. 10 Је сени айтырса, келип, эжиктин јанына кыйын јат. Сени айтырган кижии базып келип, «Најы, өрө өт!» дезин; ол тушта сениле кожо кыйын јаткан улус алдында сеге күндү болор. 11 Бойын бийик тутканы - јабыс көрдирер, бойын јабыс тутканы - бийикке чыгар. 12 Айтырган фарисейге дезе айтты: - Түште бе, энирде бе казан асканда, најыларынды да, карындаштарынды да, төрөгөндөринди де, бай айылдаштарынды да айтырба. Олор качан бирде сени база айлына кычыргылаар, јакшызын јандыра јетирер аргалу. 13 Је күндү-күрее эткендө, түрени, кенек, аксак, сокор улусты айтыр. 14 Бат ол тушта кежиктү болгонын ол: јандыра јакшызын олор сеге јетирип болбос, је актулар тирилгежин, сеге јакшы јетирилер. 15 Мыны угала, Оныла кожо кыйын јаткандардын бирүзи Ого айтты: - Кудайдын Каандыгында аш јиири кежиктү! 16 Иисус болзо, ого айтты: - Бир кижии јаан күндү-күрее эдип, көп улус айтырган. 17 Аш јиир өй једип келерде, ол кулын ийип, айтырылган улуска мынайда айтсын деген: «Келигер, ончо неме белен». 18 Олор, эрмектежип алгандый,

јаманын таштасын деп сурай бергендер. Бирүзи айткан: «Мен јер садып алдым, оны барып көрөр керек; јаманымды таштазын деп сурап турум». 19 Экинчизи: «Мен беш эжер чар садып алдым, оморды јегип, кыра сүрүп көрөргө турум; јаманымды таштазын деп сурап турум» деген. 20 Учинчизи айткан: «Мен кижии алдым, онын учун барып болбозым». 21 Кул келип, мыны бийине угускан. Айыл ээзи чугулданып, кулына јакарган: «Капшай барып, каланын јаан ла кичинек оромдоры сайын јүрүп, түрени, кенек, аксак ла сокор улусты бери экел». 22 Кул келип, айткан: «Бийим, јакарунды бүдүрип салдым, эм де јер бар». 23 Бий кулына база јакарган: «Јолдорды, чеден-кажаандарды кууп, туштаган ла кижини сөстө, айлымнын ичине улус толзын! 24 Айдып турум слерге: озо айтырган улустын бирүзи де ажымнан јибес. [Айтырылганы көп, је талдалганы ас]».

Канайып Иисустык үренчиги болор

25 Иисула кожо көп улус бараткан. Ол улуска бурульш, айтты: 26 - Меге келген кижии ада-энезин, алган эжин, бала-барказын, ага-карындажын, эје-сыйындарын, акту бойынын јүрүмин де јектеп, јаман көрбөзө, ол Менин үренчигим болор аргазы јок; 27 бойынын кере тартыратан агажын албай, Мени ээчип јүрер кижии, Менин үренчигим болор аргазы јок. 28 Слердин кажы бирүгер бакана тудар күүндү болзын. Ол озо отурып алып, оны бүдүре тударга не-немези јеткил бе деп, тоолоор эмес пе? 29-30 Онон башка, бакананы төзөйлө, бүдүрип болбостон маат јок. Улус оны көрөлө, «Бу кижии тудуп баштайла, бүдүрип болбоды» деп, электеп каткырышпазын. 31 Кандый бир каан өскө каанга удур јуулажарга барып јаткан болзын. Он түмен черүлү бойы, јуулажып келип јаткан јирме мун черүлү кааета удурлажар аргазы бар ба деп, озо баштап отурып алып, јөптөжөр эмес пе? 32 Јуулажар аргазы јок болзо, өштү ыраак тужында амыр-энчү сурап, ого элчилерин ийер. 33 Анайып ок слер де, бойьнарда не барынан мойнобозогор, Менин үренчиктерим

болор учурьнар јок. 34 Тус - јакшы неме; је тус амтанын јылыйтса, канайыш оны тусту эдер? 35 Јерге де, өтөккө дө јарабас; оны чыгара чачыш јадышар. Кем кулакту, ол уксын!

Јылыйган кой керегинде

15:1 Иисусты угарга, ончо албанчылар ла кинчектүлер Ого јууктап келдилер. Фарисейлер ле бичикчилер кимиренип турдылар: 2 - Ол кинчектү улусты јуудып, олорло кожо ажанып јат. 3 Је Иисус олорго мындый укаа сөс айтты: 4 - Слердин кажы бирүгер јүс койлу болзын, бир койыгар јылыйып калган болзын. Јылыйган койды таап алганча бедиреерге, тогузон тогус койын ол куба чөлдө артырып койор эмес пе? 5 Таап алгажын, сүүнип, койды јардына артынып алар. 6 Јанып келеле, најыларын ла айылдаштарын кычырып алып, олорго айдар: «Мениле кожо сүүнигер, јылыйган койымды таап алдым!» 7 Айдып турум слерге: Кудайга баштанары керек јок тогузон тогус актуга көрө, Кудайга баштанган кинчектү бир кижиге тенериде артык сүүнгилеер.

Јылыйган акча керегинде

8 - Ол эмезе, бир үй кижиде он мөнүн акча болзын, бир акчазын јылыйтып салган болзын. Јарыткышты күйдүрип алып, айлынын ичин ол сибирип, онызын таап алганча, кичеенип бедиреер эмес пе? 9 Таап алгажын, үүре-јелелерин, айылдашта-рын кычырып алып, айдар: «Мениле кожо сүүнигер, јылыйган акчамды таап алдым!» 10 Айдып турум слерге: Кудайга баш-танган кинчектү бир де кижиге Кудайдын ангелдери сүүнгилеп јат.

Тенибер уул керегинде

11 Иисус база айтты: - Бир кижиде эки уул болгон; икичү уул адазына айткан: 12 Ада! Јөөжөгөрдөн једижер үлүүмди меге беригер». Адазы јөөжөни уулдарына бөлип берген. 13 Саадабай

кичү уул ончозын јууп, ыраак ороонго атанган. Анда ол салдым, балыр јүрүп, акчазын үреп койгон. 14 Бары-јогын кородып саларда, ол ороондо ачана-торо башталып, немеге јединбей барган; 15 барып, бу орооннын улузынын бирүзине јалданарда, оны јалангына чочко кабыртып ийген. 16 Чочконын јайынтызыла да болзо, кардын толтурайын дезе, оны да берери чыкпай турган. 17 Санаа алынып, айдышан: «Адамнын канча јалчылары курсакты јип түгезип болбой јат, мен дезе, торолоп өлөргө јеттим! 18 Туруп, адама барыш, айдадым: „Ада, тенериге удур ла слердин алдыгарда мен кинчек эттим; 19 уулыгар деп аданар учурым јок, мени јалчыларгаарга кожуп алыгар"». 20 Ол туруп, адазына барган. Адазы уулын ыраагынан көрүп ийеле, ичи ачыган; удур јүгүрип келеле, мойнынан кучактап, окшой берген. 21 Уулы: «Ада! - деген. - Тенериге удур ла слердин алдыгарда мен кинчек эттим; уулыгар деп аданар учурым јок». 22 Је адазы кулдарына јакарган: «Кийимнин болзо, јакшызын экелип, баламга кийдиршер, сабарына онын јүстүк сугугар, будына онын өдүк кийдиригер; 23 семирткен бозуны экелип, сойугар: јийлик, јыргайлык! 24 Бу уулым өлгөн бойы тирилди, јылыйган бойы табылды». Онон јыргай бергендер. 25 Јаан уул дезе, јаланда иштеп јүрген; јанып келедип, айылдан кожон чыгып турганын угуп ийген; 26 јалчылардын бирүзин алдырып алала, ондо не болуп турганын сураган. 27 Онызы айткан: «Карындажын јанып келген. Ол эзен-абыр јанып келгенине адан сүүнип, семирткен бозуны сойгон». 28 Јаан уул өөркөйлө, айлына кирбеген. Адазы чыгып келеле, оны кычыра берген. 29 Је ол адазына айткан: «Бат, канча јылга улай слерге иштеп, айткан сөзигерден чыкпай јүрдим; је најыларынга јыргап ал деп, меге уулак та айдып бербедигер. 30 Баскын-тоскын үй улуска биригип, ар-јөөжөзин кородып салган бу уулыгар јанып келерде, ого семирткен бозу сойдыгар!» 31 Адазы дезе, ого айткан: «Уулым, сен јаантайын мениле кожо, менин не барым - сенийи. 32 Бу карындажын өлгөн бойы тирилди, јылыйган бойы табылды деп сүүнип, јыргаар керек».

Чындык байлык керегинде

16:1 Иисус Бойынын үренчиктерине дезе айтты: - Бир бай кижиде айыл башкаручы болгон. Ол јөөжөзин кородып јат деп, байга јетиргендер. 2 Бийи оны алдырала, айткан: «Бу сен керегинде мен нени угуп турум? Эткен ижине јартамал эт, бу иште сенин артар учурын јок». 3 Айыл башкаручызы бойында айдынган: «Эм канайдаын? Бийим мени иштен јайладып јат. Јер казып болбозым, суранчыктап јүреринен уйалып јадым. 4 А, бу иштен мени чыгарып салза, мени айлына јууткылап алзын деп, нени эдерин билдим!» - дейле, 5 бийине төлүлү улусты таньшан алдыра берген. «Менин бийиме канчаны төлүлү эдин?» деп, баштапкызынан сураган. 6 Онызы: «Јүс бочко май» - деген. Айдарда, төлүлү кижиге айткан: «Кол салган чаазынынды алып, отур, „бежен" деп капшай чий». 7 Онон: «Сен канчыйан төлүлү?» - деп, өскөзинен сураган. Онызы: «Јүс таар буудай» - деген. Айыл башкаручызы айткан: «Кол салган чаазынынды алып, „сегизен" деп чий». 8 Санаа-укаалу эткени учун чынга турбас немелердин башкаручызын бий мактаган. Јердеги јүрүмнин уулдары бойы ошкош улус ортодо јарыктын уулдарына көрө санаалу. 9 Мен де слерге айдыт турум: чышга турбас байлыкла бойлоро-орго нөкөрлөр јайап туругар. Онон, байлыгар корозо, слерди мөнкү айлы-јурттарына јууткылап алзга. 10 Аска бүдүмјилү болгоны, көпкө дө бүдүмјилү; аска бүдүмји јок болгоны, көпкө дө бүдүмји јок. 11 Чыша турбас байлыкты слерге бүдүмјилеерге јарабас болзо, чындык байлыкты кем бүдүмјилеер? 12 Кижинийине бүдүмјизи јок болгоньнарда, бойыгардыйын слерге кем берер? 13 Кандый да кул эки бийге јалчышаньш болбос: бирүзин јаман көрөр, экинчизин сүүр; бирүзине чындык болор, экинчизин керектебес. Слер де экүге - Кудайга ла байльпска иштеп болбозыгар! 14 Мыны ончозын фарисейлер де угуп, акчага ач бойлоры, Иисусты электеп каткырышты. 15 Иисус ологго айтты: - Улус алдында слер акту болуп көрүнедигер, је јүрегеерди Кудай билер. Улус ортодо бийик баалалып турганы, Кудайга јескинчилү. 16 Иоаннан озо Јасак ла

јарчылардын сөзи јарлалган. Эмдиден ала дезе, Кудайдын Каандыгы керегинде Сүүнчилү Јар јарлалып јат; кажы ла кижии ого кирерге күч салып јат. 17 Јасакта бир чийик јоголгончо, јер ле тенериге јоголорго јенил. 18 Уйин јандырып, өскө кижии алганы, оныла кожо кинчекке киргени ол; айрылыжып калганды алганы, оныла кожо кинчек эткени ол.

Бай кижии ле Лазарь 19 Исус онон айтты:

- Бир бай кижии болгон. Каан чылап кийинип, күнүн сайын јыргап-сайрап јүрер. 20-21 База бастыра бойы ирин-баалулу Лазарь деп түрени кижии болгон. Байдын остолынан түшкенин јийин деп, ол байдын каажазынын јанында јадатан. Ийттер јуулыжып, онын баалузын јалап туратан. 22 Је бат, Лазарь јада калган, ангелдер оны Авраамга коштой күндүлү јерге апарып салгандар; бай да јада калган, онын сөөгин јууп койгондор. 23 Таамыда кыйналып јүрген бай өрө көрзө, ыраагында Авраам јүрген, койнында дезе - Лазарь. 24 Бай ачу-корон кыйгыра берген: «Авраам адабыс! Меге буурсап, Лазарьды бери ийзен, сабарынын бажын сууга чыктыдып, тилимди соотсын. Бу от-јалбыштын изүзине кыйналып турум!» 25 Је Авраам ого айткан: «Эске алынып ийзен, уулым, эзен јүреринде, сен ончо јакшыны алган; Лазарь дезе, ончо јаманды алган. Эмди ол мында токунап, соотоп јат, сен дезе, кыйналып јадын. 26 Ого үзеери, слердин ле бистин ортобыста - алыс јер. Онын учун мынартынан слерге барайын дегени, барып болбос, анартынан биске келейин дегени, келип болбос». 27 Айдарда, бай айткан: «Оны бистин айылга ийгин деп, сурап турум сени, адабыс! 28 Беш карындажым бар эди. Олорго керелеп айдып салзын, кыйыннын бу јерине келгилебезин». 29 Авраам айткан: «Олордо Моисей ле јарчылар бар, оларды уккулазын!» 30 «Јок, Авраам адабыс, - деп, бай айткан, - өлгөн улустын бир-бирүзи олорго барза, олар Кудайга баштанар». 31 Је Авраам ого айткан: «Моисейди ле јарчыларды уккулабай турган болзо, оларды кем де, керек дезе, тирилген кижии де, бүдүндирип

болбос».

Кинчек ле бүдетени керегинде

17:1 Иисус үренчиктерине айтты: - Жилбиркедер немелер келбейинче калбас, же озор кем ажыра келген, ого ачу-корон! 2 Бу кичүлердин кажы бирүзин жылбиркеткен кижинин мойнына баспак буулап, оны талайга таштаган болзо, ого торт болор эди! 3 Мынан чеберленип жүрүгөр! Карындажын сеге жаман эткежин, каарып айт, кинчегин алынза, жаманын таштап кой; 4 күнине жети катап жаман эделе, сеге жети катап келип, «Мен бурулу» дегежин, жаманын таштап кой. 5- Кудайга бүдер күүнибисти тыныдарга болушкын - деп, апостолдор Бийден сурадылар. 6 Бий каруузын жандырды: - Оок үрен де кирези бүдүп, бу турган агашка: «Газыл-тамырынгла кожо кодорылып, бойынды бойың талайга апарып отургус!» - деген болзогор, слерге ол багар эди. 7 Слердин кажы бирүгөр кыралап эмезе малдап жүрген кулду болзын. Байагы кул иштен жанып келзе, ого: «Капшай отурып ажан!» - деп айдар бедигер? 8 Карын, мынайда айдар жогоор бо: «Меге казан ас, мен ичип-жип отурганчам, курчанып алып, мени кичееп күндүле, оноң бойың ичип-жииринг». 9 Жакаругарды бүдүргөн кулыгарга алкыш-быйаныгарды айдараар ба? 10 Анайып ок слер де, жакаруны бүдүреле, мынайда айдыгар: «Бис неге де турбас кулдар эдибис, бис жүк молжу-керегисти бүдүрдис». 11 Иерусалим жаар жолдо Иисус Самар ла Галилейдин кыйузыла бараткан. 12 Бир журтка кирип жадарда, Ого капкаш баалулу он кизи учурады; ыраагында токтой түжүп, 13 кыйгырыжа бердилер: - Иисус! Уредүчи! Биске буурсазан? 14 Олорды көрөлө, Иисус: - Абыстарга барып көрүнигер - деди. Олор барып жадала, арутала бердилер. 15 Бойынын жазылганын көрөлө, олордын бирүзи тың үнденип, Кудайды алкап, ойто бурулды. 16 Иисустын будынын алдына көнкөрө жыгылып, Ого алкыш-быйанын жетирип турды; ол самар кизи болгон. 17 - Аруталганы он кизи эмес беди? Арткан тогус кизи кайда? - деп, Иисус сурады. - 18 Кудайга алкыш-быйанын жетирерге, өскө укту бу

кижиден башка, олардын бирүзи де келбеди бе? - дейле, 19 ого айтты: - Тур, бар; бүдүп турганын сени аргадап алды.

Кудайдык Каандыгы керегинде

20 - Кудайдын Каандыгы качан келер? - деп, фарисейлер Иисустан сураарда, Ол каруузын жандырды: - Кудайдын Каандыгы танылу келбес. 21 «Ол мында!» эмезе «Туку ондо!» дешпес, ненин учун дезе, Кудайдын Каандыгы - слердин өзөк-көксигерде. 22 Уренчиктерине дезе, айтты: - Кижини Уулынын ого жүк бир де күнин болзо, көрөр күүнигер келер ой болор, же оны көрбөзигер. 23 Слерге: «Ол мында!», «Туку ондо!» дешкилеер. Тап эдип, олардын кийнинен жүгүрбегер. 24 Жалт эделе, тенеринин бир учынан экинчи учына жетире жарыдып ийген жалкынды чылап, Кижини Уулынын келгенин ончозы көрүп ийер. 25 Же озо баштап Ол көп кыйналар, бу үйенин улузы Онон жана түжер учурлу. 26 Нойдын күндеринде чилеп, Кижини Уулынын күндеринде ондый ок болор: 27 Ной керепке кирердин киргенче, улус ичкен-жиген, кижини алары - алган, кижиге качары - качкан. Онон жайык чыгып, ончозы чөнгүп калган. 28 Лоттын күндеринде база андый ок болгон: улус ичкен-жиген, садышкан, аш салган, агаш тарыган, туралар туткан. 29 Же Лот Содомнон жүре берген күн тенериден от ло күкүр жаап, ончозы кырылып калган. 30 Кижини Уулы ачылар күн шак андый болор! 31 Кем ол күн жабынтыда турза, не-немези дезе, айылдын ичинде болзо, оны аларга түшпезин; жаланда жүрген кижини бурулбазын! 32 Лоттын абакайын сананып жүрүгөр! 33 Жүрүмин аргадайын деген кижини - онызын жылыттар, жүрүмин жылытканы - онызын аргадап алар. 34 Айдып турум слерге: ол түнде эки кижини бир төжөктө жадар: олардын бирүзин алып баргылаар, бирүзин - артырып койгылаар; 35 эки үй кижини кол теермен тартар: бирүзин алып баргылаар, бирүзин - артырып койгылаар. 36 [Жаланда эки кижини жүрер: бирүзин алып баргылаар, бирүзин - артырып койгылаар.] 37 Айдарда, үренчиктер Иисустан сурадылар: - Бу кайда болор, Бий? Иисус айтты: - Кайда сөөк жадар,

анда кан-кеределер жуулыжар.

Тул келин ле жаргычы керегинде

18:1 Жаантайын мүргүп, чөкөбөйтөнин билгилеп жүрзин деп, Иисус ологорго укаа сөс айтты: 2 - Бир калада жаргычы болгон. Ол Кудайдан да коркубай-тан, улустан да уйалбайтан. 3 Бу ок калада бир тул келин болгон. Ол жаргычыга келип, «Мени өштүмнен корула» - деп, жайнап сурап туратан. 4 Жаргычы узак ойгө жөпсинбей, онон бойында айдынган: «Мен Кудайдан коркубас, улустан уйалбас та болзом, 5 бу тул келин меге амыр бербей турган учун, оны корыйын, мени түйметпезин, база келбезин деп». 6 - Ак-чек эмес жаргычы нени айтканын уктыгар ба? - деп, Бий айтты. - 7 Талдап алгандары Ого түн-түш кыйгырып сураганыла Кудай өч жайаар беди? Же Кудай ологорго ак-чек эмеске узак чыдажып жат. 8 Айдып турум слерге: ологор учун саадабай өч жайаар. Же Кижин Уулы келеле, Ого бүдүп турганды жерден табар ба?

Фарисей ле албанчы керегинде

9 Бойлоры акту болгонына бүдүп, өскөлөрүн жабыс көргөн бир кезик улуска Иисус укаа сөс айтты: 10 - Эки кижин мүргүүрге, Öргөөгө кирген: бирүзи фарисей, экинчиси дезе, - албанчы. 11 Фарисей туруп, бойында мынайда мүргүген: «О Кудай! Мен өскө улустый тонокчыл, күжүрчи, балыр жүрүмдү эмезе бу албанчыдый эмес болгоныма, Сеге алкыш-бийан жетирип турум. 12 Неделеде эки катап орозо тудуп, алганымнын онынчы үлүүзин берип жадым». 13 Албанчы дезе, ыраагында туруп, тенери өрө көрөргө дө күүнзебей, же төжине согунып, айдынып турган: «О Кудай, меге, кинчектү кижиге, быйанду бол!» 14 Айдып турум слерге: бу кижин, а фарисей эмес, Кудайдын алдында көп акталып жанган. Бойын бойы бийик тутканы - жабыс көрдирер, бойын бойы жабыс тутканы - бийикке чыгарылар.

Кудайдык Каандыгына кем кирер?

15 Колыла тийсин деп, Иисуска кичү балдарды экелип турдылар; үренчиктер оны көрөлө, улусты токтодып тургандар. 16 Же Иисус балдарды Бойына кычырып алып, айтты: - Балдар Меге келгилеп турзын, оларды токтотпогор, ненин учун дезе, Кудайдын Каандыны мындылардыы эди. 17 Чынын айдадым слерге: кем кижиге Кудайдын Каандыгын бала чылап алынбаза, Ого кирип болбос. 18 - Быйанду Уредүчи! Мөнкү конокты энчи эдип аларга, нени эдейин? - деп, бийлердин бирүзи Иисустан сурады. 19 Иисус ого айтты: - Мени быйанду деп не айдадын? Кем де быйанду эмес, жаңыс Кудай быйанду. 20 «Чайдам болбо, кижиге өлтүрбө, ууры этпе, төгүн керелебе, ада-эненди күндүлөп жүр» деген салымдарды сен билерин. 21 Бий: - Мыны ончозын жиит тужымнан ала чек туткан эдим - деди. 22 Мыны угала, Иисус ого айтты: - Сеге база бир неме жетпей жат: не барынды садып ий, түрени улуска үлөп бер, тенгериде байлыкту болорун; келип, Мени ээчи. 23 Же байагы кижиге мыны угала, кунуга берди: ол коркушту бай кижиге болгон. 24 Иисус онын кунугын көрөлө, айтты: - Бай кижиге Кудайдын Каандыгына кирерге кандый күч дейдигер! 25 Бай кижиге Кудай Каандыгына киреринен, төөгө ийне үйдинин өдөргө женил. Мыны уккан улус айттылар: 26 - Айдарда, кем аргаданар аргалу? 27 - Улус эдип албазын, Кудай эдер аргалу - деп, Иисус каруузын жандырды. 28 Петр айтты: - Бат, бисте не барын артырып, Сени ээчиген эдибис. 29 Иисус оларго айтты: - Чынын айдадым слерге: айлы-журтын, эмезе ада-энезин, эмезе ага-карындажын, эмезе алган эжин, эмезе бала-барказын Кудайдын Каандыгына болуп артырала, 30 бу чакта чик-жок көпти албаган кижиге жок, келер Чакта дезе, - мөнкү конокты. 31 Он эки үренчигин туура кычырып алып, Иисус айтты: - Бат бис Иерусалимди өрө чыгып отурус. Кижиге Уулы керегинде жарчылардын ончо чийгени бүдөр. 32 Эйе, Оны кара жандуларга берип ийгилеер, электеп-шооткылаар, базынгылаар, Ого түкүргилеер, 33 Оны камчылагылаар, ошон өлтүргилеп койор; же үчинчи күнде Ол

тирилер. 34 Уренчиктер мынанг нени де аайлабады; бу сөстөр ологго туйук болгон, олар айдылганын ондобогондор.

Сокор кижини јасканы

35 Иисус Иерихонго јууктап келерде, јолдын кырында бир сокор кижини суранчыктап отурган; 36 јаныла көп улус өдүп јатканын угала, ол бу не атасы деп сурады. 37 Ого Назаретте јерлү Иисус өдүп јат дедилер. 38 Айдарда, сокор кижини: - Давид уулы Иисус, меге буурсагын! - деп, кыйгыра берди. 39 Ичкертинде базып бараткан улус оны унчыктырбаста, ол там ары кыйгырды: - Давид уулы, меге буурсагын! 40 Иисус токтой түжүп, «Оны Меге экелигер» деди. Сокор кижини Ого базып келерде, 41 - Сеге нени эдейин? Сеге не керек? - деп, онон сурады. Ол айтты: - Бий, көзим јарызын деп турум! 42 Иисус ого: - Көзинг јарызын! - деди. - Бүдүп турганын сени аргадап алды. 43 Сокор кижининг көзи ол бойынча јарый түшти; Кудайды алкап, ол Иисусты ээчий басты. Мыны көрөлө, ончо улус Кудайга алкыш-быйан јетирдилер.

Иисус Закхей-эште

19:1 Иисус Иерихонго кирип, онын ичиле базып бараткан. 2 Бу калада Закхей деп кижини јуртаган. Ол албанчылардын бийи, бай кижини болгон. 3 Иисусты кем болгонын көрөргө күүнзеп, је кыскачак сынду болуп, улус ажыра көрүп албай турган. 4 Айдарда озолой жүгүрип барала, Иисус јаныла өтсө, Оны көрөргө, смоква агашка чыгып алды. 5 Иисус ол јерге једип келеле, сан өрө көрүп, айтты: - Закхей, капшай түш! Мен бүгүн сенин айлынга түжер учурлу. 6 Закхей агаштан капшай түжүп келеле, Иисусты айлында сүүнчилү уткыды. 7 Оны көрөлө, ончо улус Иисус кинчектү кижининг айлынга кирди деп, арбаныжып турдылар. 8 Закхей дезе туруп, Бийге айтты: - Бий! Јөөжөмнинг кабортозын түренилерге берейин, кемди күјүреген болзом, төрт катап көп јандырып берейин. 9 Иисус айтты: - Бүгүн бу айылга аргадаш келди: бу да кижини Авраам уулы. 10 Кижини

Уулы болзо, өчкөндү таап, аргадаарга келген. 11 Мыны уккан улуска Иисус база бир укаа сөс айтты. Ол Иерусалимге жуук болгон, онын учун Кудайдын Каандыгы удабас једип келер деп, озор санангандар. 12 Иисус: - Каандык алып, кайра јанарга, укту-төстү бир кижиди ыраак ороонго атанып јаткан - деди. - 13 Он кулын алдырып алып, озорго он мөнгүн акча берип, айткан: «Мен јанганчам, акчаны эбиртигер». 14 Јаңыс јердин улусы оны көрбөс болгон, кийинен ары элчилер ийип, мынайда айтырдылар: «Ол бистин кааныбыс болзын деп турганыс јок». 15 Је ол кааннын ширеезин алала, јанып келген. Кем кандый кирелте ажанын сурап угарга, мөнгүн берген кулдарын бойына кычырзын деп јакарган. 16 Бирүзи келип, «Бийим, сенин мөнгүнин он мөнгүн экелди» - деген. 17 Каан ого айткан: «Јакшы, керсү кул! Аска бүдүмјилү болдын, он каламды башкар». 18 Экинчи кул келип, «Бийим, сенин мөнгүнин беш мөнгүн экелди» - деген. 19 «Сен де беш каламды башкар» - деп, каан ого айткан. 20 Учунчизи келип, айткан: «Бийим, сенин мөнгүнин бу, оны арчуулга түүп, чеберлеп јүрдим. 21 Кату кижиди деп, сенен аяадым: салбаган немени - алатан эдин, чачпаган немени - кезетен эдин». 22 Каан ого айткан: «Бойыннын ок сөзинге сени јаргылаарым, јаман кул! Мени салбаган немени алатан, чачпаган немени кезетен кату кижиди деп, сен билген эмейин. 23 Айдарда, мөнгүнимди не керек эбиртпедин, мени јанып келеле, оны кирелтелү алзын деп?» 24 Онон кожо јүрген улуска јакарган: «Онын мөнгүнин алып, он мөнгүндү кулымга беригер!» 25 «Бий, ондо тегин де он мөнгүн бар» - дешкендер. 26 Каан озорго айткан: «Је мен слерге айдып турум: кемде бар - ого база берилер, кемде јок - онын барын да айрып алгылаар. 27 Мени каан болбозын деп јүрген өштүлеримди дезе, бери экелип, менин алдымда өлтүрө сайыгар».

[Иерусалимге киргени](#)

28 Мыны айдала, Иисус Иерусалим өрө чыгып, онон ары барды. 29 Елеон туунун эдегинде турган Виффагия ла Вифанияга јууктап

келерде, үренчиктердин экүзин ийип, 30 айтты: - Одоштой журтка баргылагар; ого кирип, бир де кижин минбеген, буулап койгон эштектин кулунын көрүп ийеригер; оны чечеле, бери экелигер. 31 Кем кижин слерден: «Не керек чечип жадыгар?» - деп сураза, «Ол Бийге керек» - дегер. 32 Ийген үренчиктер барып, Онын айтканыла, таап алдылар. 33 Кулун эштекти чечкилеп жадарда, «Эштекти не керек чечип жадаар?» - деп, ээлери сурады. 34 Уренчиктер: «Ол Бийге керек» - дедилер. 35 Эштекти экелеле, кийимдерин онын белине арта салгылап, Иисусты ого миндирдилер. 36 Иисус жортуп барадарда, улус кийимдерин жолго жайып турдылар. 37 Елеон тууны төмөн алган жолго жеткилеп келерде, Иисустун кал-камык үренчиктери тын үнденип, сүүнижип, көргөн ончо кайкалдары учун Кудайды алкай бердилер: 38 - Бийдин адында келеткен Каан алкалу болзын! Тенериде энчү болзын, эн бийиктезине мак! 39 Улустун ортозынан кезик фарисейлер айттылар: - Уредүчи, үренчиктеринди токтот. 40 Иисус каруузын жандырды: - Айдып турум слерге: озор унчукпай барза, таштар кыйгырыжып чыгар. 41 Калага жууктап келеле, ого көрөлө ыйлап, 42 айтты: - О, энчү сего нени экелерин ого жүк бу күнде билген болзон кайдат! Же оны бүгүн сенин көзин көрүп болбос. 43 Сенин күндерин једип, өштүлерин сени эбире казыктар кадаар, курчап алар, ончо јанынан кыстап келер. 44 Кудай сего келип жүрген өйди таныбаганын учун, сени жемирип, балдарынды сенде кырып салгылаар, сенде таш үстине таш та калдырбас.

Өргөөни арутаганы

45 Иисус Өргөөгө киреле, садыжып турган улусты сүрүп, 46 озорго айдып турды: - «Менин айлым мүргү айылы болор» деп чийилген, слер дезе, оны тонокчылардын куй-тажы эдип алдыгар! 47 Иисус күнүн сайын Өргөөдө үредер болды. Улу абыстар, бичикчилер ле калыктын башчылары Оны өлтүрер эбин бедиреп турдылар. 48 Же оны канайда тудуп өлтүрерин озор билбей тургандар, ненин учун

дезе, калык Иисусты угуп, Онон айрылбас болгон.

Иисустын јакы

20:1 Иисус Өргөөдө калыкты үредип, Сүүнчилү Јар јарлап јүрген күндердин бирүзинде улу абыстар, бичикчилер улуларла кожо базып келеле, 2 Ого айттылар: - Мыны ончозын кандый јанынла эдип турганынды, андый јанды Сеге кем бергенин, биске айт. 3 Иисус ологго каруузын јандырды: - Мен де слерден бир неме сурап угайын, Меге айдыгар: 4 Иоаннын крестеп јүргени тенериден болгон бо эмезе улустан болгон бо? 5 Олор бойлары ортодо табышты: «„Тенериден болгон" дегей эди, је „Иоаннга не бүтпедигер?" - деер. 6 „Улустан болгон" дезебис, калык бисти ташла шыбалап өлтүрер, ненин учун дезе, Иоанн јарчы болгонына бүткилеп јат». 7 «Кайдан болгонын билбезибис» - дештилер. 8 Иисус ологго айтты: - Айдарда, мыны ончозын кандый јанымла эдип турганымды Мен де слерге айтпазым.

Јалданган ишчилер керегинде

9 Онон Иисус калыкка мындый укаа сөс айтты: - Бир кижии виноград тарыган. Оны јер ишчилерге берип, бойы узакка атана берген. 10 Кат-јиилек терер ой једип келерде, виноградтын јиилегинен ого берзин деп, ишчилерге кулын ийген. Је ийген кулды олор токтопойло, как куруга јандырган. 11 Виноград ээзи өскө кулын ийген, је онызын да токтоп, ујатка түжүреле, база как куру јандыргандар. 12 Учинчи кулын ийерде, оны балулап, сүрүп ийгендер. 13 Айдарда, виноград ээзи айткан: «Эм канайдайын? Карузыган уулымды иједим, айса болзо, онон ујалгылаар». 14 Је ишчилер байагы уулды көрөлө, бой-бойлары ортодо шүүшкендер: «Адазынынг энчизи калар уул бу; оны өлтүрип салалы, энчи бистийи болор». 15 Уулды виноградту садтын тыштына чыгара таштап, өлтүрип койгондор. Виноград ээзи эм олорды канайдар деп туругар? 16 Келип, ишчилерди өлтүрер, виноградты дезе, өскө улуска берип

ийер. Мыны угуп турган улус: - Андый неме болбос! - дештилер. 17 Иисус ологго чике көрүп, айтты: - Айдарда, «Тура тудаачылар жектеген таш - булуннын баш тажы болуп калды» - деп чийген сөс не сөс болотон? 18 Ол ташка жыгылганы - оодылар; кемнин үстине ол түшсе, оны жоголтып салар. 19 Улу абыстар ла бичикчилер бу укаа сөстө олог керегинде айдылганын билип ийдилер; Иисусты тудуп аларга сананала, же калыктан коркуй бердилер.

Калан керегинде сурак

20 Улу абыстар ла бичикчилер Иисусты кетежип, Ого бир канча улус ийдилер. Олог ак-чек улус болуп көрүнип, башкаручынын жагына Иисусты табыштырып берерге, Онын сөзинен жик табар учурлу болгон. 21 Ийген улус барып, Иисуска айттылар: - Уредүчи! Бис билерис, Сенин айткан сөзинг ле үредүг чындык болгонын, улусты ылгаштырбай, Кудайдын жолына чын үредип турганынды. 22 Бис каганга калан төлөөр учурлу ба, айса жок по? 23 Иисус ологдын меке-сүмезин билип, айтты: 24 - [Мени не ченеп туругар?] Меге динарий акча көргүзигер: ондо кемнин сүри ле ады-жолы базылган? Олог каганнын дедилер. 25 Иисус айтты: - Анайдарда, кагандыйын - каганга беригер, Кудайдыйын дезе - Кудайга. 26 Калык алдында Иисустын сөзинен олог жик таап болбодылар; берген каруузына кайкажып, унчукпай тура калдылар.

Тирилиш керегинде сурак

27 Өлгөн улус тирилбес дежетен бир кезик саддукейлер келип, Иисустан сурадылар: 28 - Уредүчи! Моисей биске чийген: «Бала азырабаган эр өлгөжин, карындажы жезезин алып, агазынын угын улалтсын». 29 Жети карындаш кижиге болтон. Бирүзи айылду бололо, бала азырабай, жада калган. 30-31 Уй кижини экинчи, үчинчи карын-дажы алган, анайып жетилези алып, бала-барка азырабай, ончолоры жада калгандар. 32 Онон уй кижиге де жада калган. 33 Эм айдарда, тирилгежин, бу жети эрдин кажызынын эмегени болор ол?

Ол келинле јетилези јуртаган ийне! 34 Иисус ологго каруузын јандырды: - Бу чактын улузы кижии алып, кижиге качып јадылар. 35 Је өлөлө тирилерге, келер өйдө јүрерге једип алган јарамык улус кижии де албас, кижиге де качпас; 36 өлгүлеп те болбос, ангелдер чилеп јүргүлеер. Олор Кудайдын балдары болгылаар - тиргискен балдар. 37 Күйүп јалбыраган тайа-јыраа керегинде куучынында Моисей Бийди Авраам Кудайы, Исаак Кудайы ла Иаков Кудайы деп адап, өлгөн улус тирилер деп көргүскен. 38 Је Кудай - Ол өлгөндөрдин Кудайы эмес, Ол эзен јүргендердин Кудайы. Кудайга ончо улус тирү. 39 Кезик бичикчилер: - Јакшы айттын, Уредүчи! - дештилер. 40 Иисустан кем де, нени де сураарга тидинбеди.

Бий кем?

41 Иисус дезе, ологго айтты: - Улус ненин учун Христосты Давид уулы дешкилейт? 42 Сарын бичигинде Давид бойы мынайда айткан эмес бедии: «Бий Бийиме айткан: 43 „Өштүлеринди будыннын јанына салып бербейинчем, онгыма отур"». 44 Айдарда, Давид бойы Христосты Бий деп адап турганда, Ол канайып онын уулы болотон? 45 Ончо калык угуп турарда, Иисус үренчиктерине айтты: 46 - Узун эдектү кеп кийип базып јүрерин сүүр бичикчилердий болбоско бойыгарды тудуныгар. Олор оромдордо ло тепсендерде улуска уткударын, синагогаларда ичкери алдында, той-јыргалда төрдө отураарын сүүгилейт. 47 Булар, тул келиндердин ар-јөөжөзин үптөп јип, улус көзинче удаан мүргүп турган бойлары, там буруга калгылаар!

Тул келинник сыйы

21:1 Иисус көрзө, Öргөөдөги акча-јөөжөнин кайырчагына бай улус сый салгылап турды. 2 Анайда ок оноор эки оок јес акча түжүрип ийген тул келинди көрөлө, 3 Ол айтты: - Чынын айдадым слерге: бу јокту тул келин ончозынан көп салды. 4 Сый эдип, ончолоры артыкташканын салган, бу келин дезе, андый јокту бойы, јүрерге

керектү калганчызын салган.

Христостык келетени керегинде

5 Кезик үренчиктер Өргөөни туткан кеен-жараш таштар, Оны кееркеткен баалу-чуулу сыйлар керегинде эрмектежип турарда, Иисус айтты: 6 - Слердин мында көрүп турганыгардан таш үстине таш калбас күндер келер; ончозы жемирилер. 7 - Уредүчи, бу качан болор? - деп, Онон сурадылар. - Мынын темдеги кандый болор? 8 Иисус айтты: - Чеберленигер, бойыгарды аскырбагар. Көп улус Менин адымды аданган келер, «Мен - Христос!» эмезе «Өй жуук!» деер. Олорды ээчип барбагар! 9 Жуу-чак, түймеендер болуп турганын угар болзогор, чочыбагар: бу озо болор учурлу, же бу эм- тура учы эмес. 10 Иисус онон айтты: - Калык калыкка, каандык каандыкка удур туруп чыгар; 11 тын жерсилкеништер, кезектей ачана-торо, оору-жобол, коркымчылу немелер болор, тенериден улу билдилер көрүнер. 12 Же озо баштап, Менин адым учун слерди истежип тудар, сүрер, синагогаларга ла түрмелерге табыштырар, каандардын, бийлердин алдына апарып тургускылаар; 13 бу слерге кереге болор. 14 Жүрегерге салып алыгар: бойыбысты корулап, нени айдарыбыс деп, күн-эртеде шүүбегер: 15 Мен слерге айдатан сөс лө ойгорлык берерим. Өштүлеригердин бирүзи де ого удурлажып та, удур сөс тө айдып болбос. 16 Слерди керек десе ада-энелеригер, ага-карындаштарыгар, төрөгөндөригер, најыларыгар өгнүтүлерге садып ийер, кезигерди десе, өлтүргилеп койор. 17 Менин адым учун слерди ончо улус жаман көрөр. 18 Же бажыгардан чарак кыл да жылыып калбас. 19 Чыдамкай болугар - тыныгарды аргадап аларыгар. 20 Иерусалимди черү курчап алганын көрөр болзогор, онын ээн калар өйи жууктап келди деп билигер. 21 Ол тужында Иудейде жүргендер тууларга качсын; Иерусалимде жүрген улус онон чыгып барзын; онын тыштында жүрген улус ого кирбезин. 22 Ненин учун десе, бу каруузына тургузатан, чийилгени ончозы бүдетен күндер болор. 23 Ол күндерде барлу келиндерге, бала эмискендерге

ачу-корон! Јердин үстине улу түбек түжер, бу калыкка Кудай чугулданар. 24 Кезиги кылыш мизинен өлгүлеер, кезигин өскө калыктарга олјого апаргылаар: кара јандулар, бойынын өйи түгенгенче, Иерусалимди будыла тепсегилеер. 25 Күнде, айда, јылдыстарда билдилер болор, талай күүлеп, толкулар шуултынан јердеги калыктар түймей берер, алан кайкап калган јүрер. 26 Јерге келип јатканды сакып, онон коркуп, өлгүлеер, ненин учун дезе, тенеринин күчтери чайкалар. 27 Ол тушта тенеринин булудында Кижин Уулы көп күчтү, улу макту келеткенин көргүлеер. 28 Мынын ончозы бүдүп баштаза, сыныгарды түзедшер, бажыгарды көдүригер, - јайымыгар јууктап келеткени ол болор - дейле, 29 Иисус ологорго укаа сөс айтты: - Смоквага ла ончо агаштарга көрүгер: 30 бүри јайылза, слер оны көрүп, јай јуук деп, бойыгар билип јадыгар. 31 Анайып ок слер де, бу бүдүп турганын көрөр болзогор, Кудайдын Каандыгы јуук деп билигер. 32 Чынын айдадым слерге: мынын ончозы болгончо, бу үйе артып калар. 33 Јер ле тенери јоголор, Менин сөстөрим - артып калар! 34-35 Бойыгарды тудуныгар, јүрегери калангы ла эзирик болоры, јадын-јүрүмнин сурактары олјолоп јоботпозын. Онон башка ол Күн јер-үстинде јаткандардын ончозына сакыбаган јанынан келер ле ологорго тузак ошкош болор. 36 Келип јаткан ончо түбектен кыйып өдөргө, Кижин Уулынын алдына турарга, јаантайын ойгу болуп, мүргүп јүрүгер. 37 Иисус түште Öргөдө үреткен; түндерди дезе, чыгып, Елеон тууда өткүрип турган. 38 Улус Оны угарга, эртен турадан ала Öргөөгө келип тургандар.

[Иуданык садынганы](#)

22:1 Ачыбаган калаш јийтен, Пасха дейтен байрам јууктап ЈшЈшш келеткен; 2 улу абыстар ла бичикчилер Иисусты тудуп өлтүрер эбин бедиреп, је калыктан ајап тургандар. 3 Је бат, он экинин бирүзи Иуда Искароттын өзөк-буурына көрмөс кирди. 4 Ол улу абыстарга, бийлерге барып, Иисусты ологорго канайда берип ийерин

эрмектешти. 5 Олор сүүнип, Иудага акча берер болдылар. 6 Иуда жөпсинип, улус жок тушта Иисусты олорго берип ийерге, эптү учурал сакып жүрди.

Пасханык ажын јигени

7 Ачыбаган калаштын күни једип келди. Бу күнде пасханын кураанын сојотон божон. 8 Иисус Петр ла Иоанды ийип, - Барып, биске пасханы јизин деп белетегер - деди. 9 - Бисти кайда белетезин деп турун? - олор сурадылар. 10 Иисус олорго айтты: - Бат, калага кирип јатсагар, слерге суулу јыракы апараткан кижии туштаар; оны ээчий барыгар. Кажы айылга кирзе, 11 онын ээзине айдыгар: «Уренчиктеримле кожо пасха јийтен кып кажызы деп, Уредүчи сурап јат». 12 Ол слерге јуунадып койгон үстиндеги кыпты көргүзер; ондо белетегер. 13 Уренчиктер барып, Иисустын айтканынча, байагы айылды таап, пасханы белетеп койдылар. 14 Ой једип келерде, Иисус кыйын јатты, Оныла кожо апостолдор. 15 Иисус олорго айтты: - Кыйналарымнан озо бу пасханы слерле кожо јиирге тын санаган эдим! 16 Айдып турум слерге: бу пасха Кудай Каандыгында болгончо, Мен онон база јибезим. 17 Аяк алып, алкыш јетиреле, айтты: - Мыны алып, бойыгар ортодо ичип эбиртигер. 18 Айдып турум слерге: Кудай Каандыгы келбегенче, виноград јиилегинен база ичпезим. 19 Калаш алып, алкыш јетирди, сындырала, үренчиктерине берип, айтты: - Бу слер учун берилип јаткан Менин Эди-Каным; Мени эске алынып, анайда эдип жүрүгер. 20 Аш јиген кийинде аякты база анайда берип, айтты: - Бу аяк - слер учун төгүлип турган Менин Канымдагы јангы кереес. 21 Је бат, Мени садып турганнын колы Мениле кожо остолдо. 22 Эйе, Кижии Уулы темдекеп салган јолло барып јат; је Оны садып јаткан кижиге ачу-корон! 23 - Бистин кемибис оны эдер? - деп, олор бой-бойларынан суража бердилер. 24 Уренчиктер сөс блаашкылап, «Кемибис улу-јаан деп бодолор?» - дештилер. 25 Је Иисус олорго айтты: - Кара јандулардын каандары калыгын бийлейдилер,

баш-чылары дезе, бойлорын быйан јетиреечилер дейдилер. 26 Је слердин ортогордо ондый неме болбозын! Кемшер улу-јаан, кичүдий болзын, кемигер јамылу, јалчыдый болзын. 27 Кемизи јаан: кыйын јатканы ба, айса јалчы чылап, оны кичеегени бе? Кыйын јатканы эмес пе? Мен дезе, слердин ортогордо - јалчыдый! 28 Мениле кожо слер ончо ченелтелерди өттшер. 29 Адам Меге кереестегени чилеп, Мен де слерге Каандык кереестеп турум. 30 Менин Каандыгымда Менин ажы-тузымды ичип-јиригер, ширеелерге отурып, Израильдин он эки угын јаргылаарыгар. 31 Бий онон айтты: - Симон, Симон! Бат, көрмөс слерди буудай чылап сееп койсын деп сураган. 32 Је Мен сен учун мүргүдим, бүдүп турганын јылыбазын деп; Меге ойто келзен, карындаштарынын бүдүп турганын тыныт. 33 Петр: - Бий! - деди. - Сениле кожо мен түрмеге де отурарга, өлөргө дө белен! 34 Је Иисус: - Айдып турум сеге, Петр: бүгүн пөтүк эткелекте, Мени билбезим деп айдып, Менен үч катап јана түжерин - дейле, 35 үренчиктерине айтты: - Мен слерди таар да, акча да, өдүк те јок ийеримде, немеден тутадыгар ба? Олор: «Неден де тутабадыс» - дедилер. 36 Айдарда, Иисус айтты: - Је эмди, таарлу кижилер, онызын алзын, акчазын да алзын; кемде јок, кийимин садып ийип, кылыш садып алзын. 37 Айдып турум слерге: «Каршучылдардын тоозына коштылар» деп, Агару Бичикте Мен керегинде айдылганы бүдер учурлу. Эйе, Мен керегинде айдылганы ончозы бүдүп, учына једип барадыры. 38 Уренчиктер: «Бий, бат мында эки кылыш» - деерде, Иисус: «Једер» - деди.

[Елеон тууда мүргүгени](#)

39 Иисус чыгып, Бойынын јанынча, Елеон тууга барды; үренчиктери де Оны эчий бардылар. 40 Једер јерге једип, Иисус олорго айтты: - Ченелтеге кирбеске, мүргүгер! 41 Бойы дезе, таш мергези кире ырайла, тизеленип, мүргүй берди: 42 - Ада! Күүнни бар болзо, бу аякты Менен јастыктыр; је Менин табым болбозын, Сенийи болзын! 43 [Тенериден Ого ангел көрүнип, Онын

тын-санаазын сергидип турды. 44 Иисус тартыжуда болуп, там кичеенип мүргүди; Онын тери јерге тамчылап турган кандый болды.] 45 Мүргүп божойло, үренчиктерине келзе, озор, кунуккан бойлоры, уйуктап јаттылар. 46 - Не уйуктап јаткылараар? - деп, Иисус озордон сурады. - Туруп, ченелтеге кирбеске, мүргүгер!

Иисусты тутканы

47 Иисус мынайда айдып турганча, көп улус көрүнип келди. Он экинин бирүзи Иуда дейтени, озорды озолоп келетти; Иисусты окшоп ийерге, Ого јууктай басты. 48 Иисус ого айтты: - Иуда! Кижн Уулын окшошло садып турун ба? 49 Уренчиктер керектин аайын көрүп, айттылар: - Бий, кылышла јаныйлы ба? 50 Озордын бирүзи кылыжын суура тартып, Улу абыстын кулынын он кулагын кезе чапты. 51 Иисус: «Болор, токтогор!» - дейле, кулдын кулагына колыла тийип, јазып ийди. 52 Оны тударга келген улу абыстарга, Öргөөнин каруулынын бийле-рине ле улуларга дезе, мынайда айтты: - Мен тонокчы эмезим, Мени тударга кылышту ла казыкту не келдигер? 53 Күнүн сайын слерле кожо Öргөөдө болдым, слер Меге кол көдүрбедигер; је эмди - слердин өйигер ле карачкынын јаны. 54 Иисусты тудуп алып апардылар; Улу абыстын айлына экелдилер. Петр дезе, ыраагыла ээчий барган. 55 Күрентиктин ортозына от салып, кожо отургылай берерде, Петр база озор-дын аразында отурган. 56 Бир јалчы үй кижн Петрды оттын јанында отурганын көрүп, лаптап ајыктайла, айтты: - Бу да Оныла кожо болгон! 57 Же Петр Онон јана түжүп: - Мен Оны билбезим, үй кижн - деди. 58 Бир эмеш болордо, база бирүзи оны көрүп, «Сен де озордыйы» - деди. Же Петр бу кижиге «јок» деди. 59 Бир саат кире өйдин бажында база кандый да кижн бүдүмјилү айда берди: - Бу да Оныла кожо болгоны чын; бу Галилейдин кижизи. 60 Же Петр байагы кижиге: - Нени айдып турганынды билбезим - деди. Ол мынайда айдып турганча, пөтүк этти. 61 Бий кайа баштанып, Петр јаар көрди; «Пөтүк эткелекте, Менен үч катап јана түжерин» - деп, Бийдин ого

айтканын Петр эске алды. 62 Күрентиктен чыгала, өксөп ыйлай берди. 63 Иисусты тудуп турган улус Оны базынып, согуп турдылар; 64 жүзин бөктөйлө, сурап турдылар: - Жарчы болзон, Сени кем сокты, таны. 65 Иисуска өскө дө көп жаман сөстөр айттылар. 66 Түш боло берерде, калыктын улулары, улу абыстар, бичикчилер жуулыжып, Иисусты бойларынын Оток-Күреезине альга келдилер. 67 - Сен Христос болзон, биске айт - деп, озор сурадылар. Иисус каруузын жандырды: - Слерге айтсам, бүтпезигер; 68 суразам, каруузын айтпазыгар. 69 Эмдиден ала Кижиде Уулы Кудайдын ширеезинин онгында отуруп. 70 - Айдарда, Сен - Кудайдын Уулы ба? - деп, ончолоры сурады. Иисус каруузын жандырды: - Слер айдып туругар, Мен деп. 71 Озор: - Биске база кандый кере керек? - дештилер. - Бис мыны бойыбыс Онын Бойынан уктыбыс.

Иисус Пилаттык ла Иродтык алдында

23:1 Онон ончолоры өрө туруп, Иисусты Пилатка алып барала, 2 Оны бурулай бердилер: - Бу кижиде бистин калыктын күүн-санаазын булгап, каганга калан төлөөргө буудактап, Бойын Христос Каан деп аданып жат. 3 - Сен иудейлер кааны ба? - деп, Пилат Иисустан сурады. Иисус каруу жандырып, - Онойдо сен айтпай кайттын - деди. 4 Пилат улу абыстарга ла калыкка айтты: - Бу кижиден бир де буру таппай турум. 5 Же озор жана баспай, айдып турдылар: - Ол Иудей ичинде үредип, улусты түйметкен. Галилейде баштаган эди, эмди бери келгени бу. 6 Пилат Галилей дегенин угала, «Бу Галилейдин кижизи бе?» - деп сурады. 7 Ол Иродтын жеринен деп билеле, Оны Иродко ийди; Ирод бу күндөрдө бойы да Иерусалимде болгон. 8 Иисусты көрөлө, Ирод сүрекей сүүнди: Оны узактан бери көрөр күүндү болгон. Иисус керегинде көпти уккан, Онын кандый бир кайкалын көрөр болорым ба деп, иженип жүрген. 9 Иисуска көп сурактар берди; же бирүзине де каруу албады. 10 Улу абыстар ла бичикчилер туруп, Иисусты тыгыда бурулап турдылар. 11 Ирод бойынын жуучылдарыла Иисусты база келди, Ого жарык кеп

катанчыктайла, Пилатка кайра ийди. 12 Мынанг озо өштөжип жүрген Пилат ла Ирод ол күннен ала најылажып алдылар. 13 Пилат десе, улу абыстарды, бийлерди ле калыкты жууйла, 14 ологго айтты: - Калыкты булгап јат деп, слер бу кижини меге экелдигер; је бат, слердин көзигерче шинжүлөп, бурулап айткан сөстөрөөрди керелеген немени бу кижиден таппадым. 15 Ирод то Онон буру таппай, биске кайра ийген. Айдарда, Ол өлүмге тургадый неме этпеген. 16 Мен Оны каруузына тургузала, божодып ийерим. 17 [Пилат байрам күнге кижендүлердин бирүзин ологго божодор учурлу божон.] 18 Је ончозы кыйгырыжа берди: - Ол өлзин! Биске Варавваны божот! 19 Варавва десе, калада түймеен божоны ла кизи өжөни учун түрмелеткен. 20 Пилат Иисусты божодып ийерге, үнин бийиктеди, калыкка катап баштанды. 21 Је олог: - Оны керип кой! Керип кой! - деп, кыйгырыжыш турдылар. Пилат ологго үчинчи катап айтты: 22 - Бу кизи кандый каршу эткен? Мен Оны өлтүрөп буру таппадым; каруузына тургузала, божодып ийедим. 23 Је олог Иисусты кере тартсын деп некеп, там ла там тыныда кыйгырыжып турдылар. 24 Пилат ологдын некелтезин бүдүрөп деп нгүөди. 25 Түймеен божоны ла кизи өжөни учун түрмеде отурган кижини ологдын сураганыла божодып, Иисусты десе, ологдын табына берип ийди.

Керигени

26 Иисусты алып бардылар. Јаланда жүрөле јанып келеткен Киринейдин Симон деп кижизин тудала, Иисустын кийнинен апарзын деп, керү агашты ого жүктендирип бердилер. 27 Иисусты ээчий ал-түмен улус, база ыйлашкан-сыкташкан келиндер барып јаттылар. 28 Иисус булар јаар бурулып, айтты: - Иерусалим кыстары, Мен учун ыйлашпагар; онын ордына бойыгар, бала-баркагар учун ыйлажыгар. 29 «Бала таппастар, бала таппагандар, эмчегин эмиспегендер кежиктү!» деп айдар күндөр једип келедири. 30 Ол тушта тууларды: «Устибиске анта-рылыгар!»

- деп, төн-кырландарды: «Бисти көмүп салыгар!» - деп, айдып тура бергилеер. 31 Жажарып турган агашка анайда эдип турганда, кургак агашла не болор? 32 Иисула кожо кыйнап өлтүрерге эки тонокчыны апаргандар. 33 Куу-Баш деген жерге једип, Иисусты керип койдылар; Оныла кожо эки тонокчыны база кере тарттылар - бирүзин он јанына, экинчизин - сол. 34 [Иисус дезе, айтты: - Ада! Олордын јаманын таштап сал. Олор нени эдип тургандарын билбей јадылар!] Шеребей чачып, Онын кийимин бойлоры ортодо үлежип алдылар. 35 Калык көрүп турган, бийлер Иисусты база шоодып тургандар: - Өскө улусты аргадап јүрген эди, Ол Христос, Кудайдын талдап алганы болзо, Бойын Бойы аргадап алзын! 36 Јуучылдар Оны база электеп, базып келеле, кымыскы туттуруп, 37 - Сен иудейлер кааны болзон, Бойынды Бойын аргадап ал! - дејип тургандар. 38 Иисустын үсти орто «Бу - иудейлер кааны» деп грек, рим ле еврей сөстөрлү бичик илдилер. 39 Керидип койгон тонокчылардын бирүзи Иисусты јамандап, айдып турды: - Сен Христос болзон, Бойынды ла бисти аргада! 40 Экинчизи оны токтодып: - Кудайдан коркыбайдын ба? Сен база анайып ок јаргылаткан эмес бедин? 41 Бисти чын јаргылаган, эткен керектериске турарын алып јадыбыс; бу кижидезе, бир де јаман неме этпеген - дейле, 42 Иисуска айтты: - Каандыгына келзен, мени эске ал, Иисус! 43 Иисус ого айтты: - Чынын айдадым сеге: бүгүн ок Мениле кожо райда болорын.

Иисустык өлүми

44 Тал түш кирезинде түштин үч саадына јетире ончо јерге карачкы түшкен: 45 күн јоголо берген. Өргөөдөги көжөгө ортозынаң јыртылган. 46 Иисус тын үнденип, - Ада! Сенин колына тынымды берип турум! - дейле, тыны үзүле берди. 47 Јүс бажы мыны көрөлө, Кудайды алкап, айтты: - Бу Кижиде чындаптан акту болгон! 48 Бу көрүге јуулган улус не болгонын көрөлө, төштөрине согунып, јангылап турды. 49 Иисусты билген ончо улус, база Галилейден бери Оны эчип келген үй улус, ыраагынаң көрүп тургандар.

Иисустын мөңкүзин көдүргени

50-51 Иудейдин Аримафей калазынан Иосиф деп кижиге болгон. Ол, Кудай Каандыгын сакып жүрген керсүү ле ак-чек кижиге бойы, Оток-Күрееге кирип те турган болзо, онын жөбин жаратпай турган. 52 Же бат, ол Пилатка келеле, Иисустын сөөгин сурады; 53 сөөкти түжүреле, кеден бөскө ороп, жылым кайда ойгон межикке апарып салды. Ондо кемнинг де сөөгиге жуулгалак болгон. 54 Пятница күн болгон, суббот күн келип жаткан. 55 Галилейден Иисула кожо келген үй улус Иосифтин кийинен барып, Иисустын сөөгин кайда, канайып тутканын көрүп алдылар. 56 Жангылап келеле, жараш жытту немелер ле сүркүш белетеп, салымла суббот күнде амырадылар.

Тирилгени

24:1 Неделенин баштамы күнинде эрте танда, белетеп алган жараш жытту немелерин алганча, үй улус межикке келдилер. 2 Межиктин тажы антарылып калган жатты. 3 Ичине кирип барала, Бий Иисустын сөөгин таппадылар. 4 Кайкап калган тургулаарда, же бат, олардын алдына жылтырууш кийимдү эки эр тура түшти. 5 Олор коркуганына жабыс энчейип ийерде, эрлер айттылар: - Тирүү кижини өлгөн улус ортозынан не бедиреп туругар? 6 Ол мында жок, тирилип калган. Туку Галилейде жүрерде, слерге Ол нени айтканын эске алынып ийзегер: 7 «Кижиге Уулы кинчектүү улустын колына берилип, кере тартылар, үчинчи күнде дезе, тирилип турар». 8 Иисустын айткан сөстөри олардын санаазына кирип келди. 9 Межиктен бурулып, он бир үренчикке ле арткан да улуска тил жетирдилер. 10 Олор Магдалина Мария, Иоанна, Иоаковтын энези Мария болгондор. Олорло кожо болгон өскө дө үй улус, апостолдорго анайып ок айдып турдылар. 11 Уй улуска кемизиге де бүтпеди, олар мыны сананып тапкан неме дештилер. 12 Же Петр туруп, межик жаар жүгүрди. Онын ичине карап, сөөкти оройтон кеден бөстөн өскө неме көрбөди. Не болгонын бойында кайкап, кайра басты.

Эммаус жаар жолдо

13 Ол ло күн үренчиктердин эжүзи Иерусалимнен он беристе киреде турган Эммаус деп журт жаар барадып, 14 не болгонын ончозын эрмектежип тургандар. 15 Олор эрмектежип, бойлоры ортодо шүүшкилеп турарда, Иисус жууктап келип, олорло кожо басты; 16 же олордын көстөри бөктүдий болуп, Иисусты таныбадылар. 17 - Жолдо нени шүүжип барадыгар? - деп, Иисус олордон сурады. Олор токтой түштилер, чырайлары бүркүк болгон. 18 Олордын бирүзи, Клеопа дегени, айтты: - Бу күндерде Иерусалимде не болгонын ого келген улустан жаным сен билбес болдын ба? 19 - Ондо не болгон? - деп, Иисус сурады. Олор айттылар: - Бис Назаретте жерлү Иисула не болгонын айдадыс. Ол Кудайдын да, ончо улустын да алдында сөстө лө керекте күчтүзин көргүскен жарчы болгон. 20 Же бистин улу абыстарыс ла бийлерис Оны өлтүрер эдип жаргылайла, керип койгондор. 21 Израильди жайымдаары Ол деп, бис иженген эдибис. Же бат, бу керектин болгоны үчинчи күн барып жат. 22 Бир кезик үй улузыс бисти кайкатты. Олор тан алдында межикке барала, 23 Онын сөөгин таппай, биске келип, айткандар: «Бистерге ангелдер көрүнди, олор Иисусты тирилип калган дешти». 24 Айдарда, бистин улустын кезиги межикке барып көрөрдө, үй улустын айтканы чын болуп калган, же Онын Бойын көрбөгөндөр. 25 Иисус үренчиктерине айтты: - О сананбастар, жарчылар айткан сөстөргө бүдөргө, оны жүрегеерле ондоорго бачымдабайдыгар. 26 Бойынын магына жедерге, Христос бу ончо шыраны өтпөс учурлу болгон бо? 27 Моисейден ле ончо жарчылардан баштайла, Ол Агару Бичикте Бойы керегинде айдылганын жартады. 28 Олор Эммаус журтка жууктап келерде, Иисус оноң ары бараачын болды. 29 Же үренчиктер Оны токтодып, - Энир кирип барадыры, бисле кожо артып кал - деп, сурап турдылар. Иисус кирип, олорло кожо артып калды. 30 Олорло кожо кыйын жадып, Иисус калашты алып алкады, сындырала, үренчиктерге берди. 31 Олордын көстөри ачылып, Иисусты танып ийдилер; же Ол үренчиктерине көрүнбес боло берди. 32 Уренчиктер

бой-бойларына айдыштылар: - Жолдо Ол бисле эрмектежип, Агару Бичикти јартаарда, көксибисте жүрекерис күйбеген беде? 33 Олор бу бойынча туруп, Иерусалимге бурулдылар. Анда он бир апостолды ла олорло кожо жүрген улусты таап алдылар. 34 Уренчиктер айттылар: - Бий тирилгени чын, Ол Симонго көрүнген. 35 Онон байагы эки үренчик јолдо не болгонын, калаш сындырып јадарда, Иисусты канайда таныганын айттылар.

Тирилген Иисустык көрүнгени

36 Олор мынайда айдып турганча, Иисус Бойы олордын ортозына тура түжүп, - Слерге энчү болзын! - деди. 37 Олор сүне көрүп турус дежип, куйка баштары јимирей берди. 38 - Не чочый бердигер, жүрекеригер ненин учун эренгистелишле толо? - деп, Иисус сурады. - 39 Менин колыма, Менин будыма көрүгөр - бу Мен Бойым эдим; Мени тудуп-сыймап көрүгөр: сүнеде эт-кан да, сөөк тө јок, Менде дезе, бар болгонын көрүп туругар. 40 Мынайда айдала, Ол колы-будын көргүсти. 41 Олор сүүнгенине бүдүп болбой, кайкажып тургулаарда, Иисус: - Мында слерде јиир курсак бар ба? - деп сурады. 42 Олор каарып койгон балык алып бердилер; 43 Иисус балыкты алып, олордын алдында јиди. 44 Онон айтты: - Моисейдин Јасагында, јарчылардын чийиминде, сарындарда Мен керегинде айдылганы ончозы бүдер учурлу деп, слерле кожо жүрер тужымда айдып туратаным бу. 45 Иисус олорго Агару бичиктерди ондоор сагыш ачып, 46 айтты: - Мында чийилгениле, Христос кыйналып-шыралаар ла үчинчи күнде тирилер; 47 Иерусалимнен баштайла, ончо калыктарда кинчектер ташталсын деп, Кудайга баштанары Онын адында јарлалар. 48 Слер мынын керечилери. 49 Адамнын берер болгонын слерге ийерим; слер дезе, үстигерден күч алганчагар, бу калада жүрүгөр. 50 Иисус үренчиктерин каладан Вифанияга јетире алып чыгала, колдорын сан өрө көдүрип, олорды алкады. 51 Алкап туруп, олордон айрылып, тенериге көдүрилип баштады. 52 Уренчиктер Ого бажырып, сүүнчизин бадырып болбой,

Иерусалимге бурулдылар. 53 Кудайды алкап, жаантайын Ӗргӧӧдӧ
болуп турдылар. Аминь.